

急救良方

明 張時徹撰

明嘉靖二十九年序刊本

急救良方

急救良方序

古有疾醫掌養萬民之疾病凡民之有疾病者分而治之死終則各書其所以而入於醫師於時民故得以壽終而無短折札瘥之患後世王政多缺而醫師之置徒備虛文廛市之氓富羨之室猶能自以其賢迎師而荒村窶戶否矣扣首抑心閔閔待斃此一患也草木禽魚之物五石之藥多聚於國都而陬窮壤僻之所即有高貲亦不能致錙銖此又一患也時師蹶齧恒以反劑殺人而茹悲吞螫不敢訟言其非此

又一患也予蓋惻然傷之曩得急救方一本每携以自隨或以自治或以治人率多微應間有新得輒從其類附益之其謬舛無驗者則刪黜之遂付梓人刻焉夫人之情一也孰不愛其身亦孰不愛其父母骨肉乎而疾苦無所舒往往束手以斃不得已或竭力於禱禱機穰至蕩蕩破產而卒莫攸濟也此其於仁孝之心何如哉是方而行庶幾濟於黔細萬分之一要非所以薦於隆富者乎

皇明嘉靖二十有九年歲次庚戌夏六月望四明芝

國主人張時徹著



急救良方卷之一

四明芝園主人集

夏邑嵩螺山人校

五絕死第一

治五絕死自縊死溺水死打撲跌損木石壓死凡心頭溫者皆可救治用半夏湯

泡七次爲末丸如豆大吹入鼻中噴嚏即活或用皂莢爲末吹入鼻中亦妙

又方急於人中穴及兩腳尖母指甲離甲一韭葉許各灸三五壯即活
臍中灸百壯亦効

救自縊 凡自縊高懸者徐徐抱住解繩不得截斷上下安被臥之以一人用腳踏其兩肩手挽其髮常令弦急勿使緩縱一人以手按據胸上數磨動之一人摩持臂脛屈伸之若已強直但漸屈之并按其腹如此一頃雖得氣從口出呼吸眼開仍引按不住須臾以少桂湯及粥清灌令喉潤漸漸能嚥乃止更令兩人以薑管吹其兩耳無不活者自旦至暮雖冷亦可救自暮至旦陰氣盛爲難救爾

又法以一人兩手掩其口鼻勿令透氣一人用手摩其頸痕兩時氣急則活

救溺水死一宿者尙活，用皂莢爲末綿裹塞門須臾出水即活

又方救起放大棧臥着脚後擡起磚二塊却用鹽擦臍中待水自流

出切不可倒提出水但心下溫者皆可救

又方急解衣帶艾灸臍中仍令兩人以薑管吹其耳中即活

又方溺水救起者即將牛一頭以滴水人肚橫覆在牛背上兩邊用人杖策徐徐牽牛而行以出腹中之水如醒以蘇合香丸之類或老姜擦牙若無牛以活人於長板橋上仰臥即令溺水人如前法將肚相抵活人身上仰臥水出即活

救木石壓死并跌損傷從高墜下跌死氣絕不能言者急拍開口以熱小

救急良方

便灌之

又方撲打墜損惡血攻心悶亂疼痛用乾荷葉五片燒令煙盡空腹以童便溫一鍾調下三錢口三服

又方被打惡血攻心用小便一碗溫服

救中惡鬼擊客忤一切卒死用葛蒲根生搗絞汁灌鼻中或口中即活

又方治卒死心頭熱者用百草花晒乾水漬封埋百日砂鍋內連水煎稠丸如皂莢子大放一丸入患人口內須臾即活

又方用井底泥塗目畢令人垂頭於井畔呼其姓名便起

又方非搗汁灌鼻中
又方以雄雞冠割取血蘆管吹入鼻中并塗其面乾後復塗仍以灰圍四傍立起

又方治鬼擊病卒着人如刀刺胸腹內痛不可按熱艾水煮服若卒心痛爲客氣所中者當吐出虫物

又方卒死而口張反折者灸兩手足大指甲後各十四壯

又方卒死四肢不收失便者用馬糞一升水三斗煮取汁二斗以洗之又取牛糞一升溫酒和灌口中灸心下一寸臍上一寸臍下四寸各一百壯

又方卒死脈動而無氣用葛蒲屑末納耳鼻孔中吹之及着舌底

又方治胸脇腹內絞急切痛如鬼擊之狀不可按摩或吐血胸血用熟艾如拳大水五鍾煮三鍾頻服

又方用鹽一盞水二盞和服以冷水噴之即差

治驚寐卒死諸暴絕證名半夏散用半夏不拘多少湯洗七次爲末每用少許吹入鼻中心頭溫者可治倉卒無藥急於人中穴及兩脚大母指內離甲一韭葉許各灸三五壯即活

又方救夜睡驚死者不得近前叫喚但絞痛其脚跟及足母指甲際多睡其面不省者移動些少臥處徐徐喚之原有燈則存無燈切不可點照

又方用皂莢爲末吹入鼻中

又方用桃枝柳枝取東邊者各三四寸煎湯二鍾候溫灌服

又方用龜中心對鍋底土槌碎爲末每服二錢新汲水調灌更挑半指

甲許吹入鼻中

又方用蘆管吹兩耳或以鹽湯灌之或搗韭汁半盞灌鼻中冬月掘根研汁

救夏月途中熱死者不可用冷水灌沃及以冷物逼外得冷即死宜移置

陰處急取路上熱土於死人臍作窩多令人尿溺於臍中又取路上

熱土并大蒜同研爛水調去渣灌下

又方濃煎灰麥汁一碗灌之即活

救冬月凍死及落水凍死微有氣者脫去濕衣解活人熱衣包之用大米

炒熱熨心土或炒龜灰令熱以囊盛熨心上冷即換之令暖氣通溫

以熱酒薑湯或粥飲少許灌之即活

又方用麝單或蘘蕪裹之以索繫定板平穩處令兩人對面輕輕滾轉

往來如擇麝法四肢溫和即活切不可用火烘之逼寒氣入內即死

虛勞第二

治虛勞用猪肚子釀黃糯米蒸熟搗爲丸白湯下并治小兒疳癪黃病

又方用青蒿細切水三碗童便五碗煎取一碗半去渣熬成膏以甘草

末爲丸如梧桐子大空心溫酒吞二十丸

又方用枸杞葉半升細切粳米二合瓦器中煮作粥五味調和食之

又方用蓮實去皮留心不拘多少酒浸一宿入於猪肚內水煮乾取出

切碎焙乾爲末酒糊丸如雞頭大每服五七十丸溫酒食前服

又方用童便兩盞無灰酒二盞以瓦瓶貯之全猪腰子一對放在內用

泥泥瓶口日晚以慢火煨熟至中夜止至五更初再以火溫之發病

飲酒食腰子病篤者一月效瘦怯亦可服此

又方治骨蒸勞熱及五痔腸風下血傳尸勞氣并虫咬心痛用鱧鱸魚

酒醋五味煮食

治諸傳尸勞氣殺虫去毒用川椒二斤擇去子并合口者炒出汗爲末以

酒糊丸如梧子大空心服五十丸效

又方用死人枕煮汁服之

治自汗并夜間盜汗用五倍子末唾調填滿臍中束定一宿即止

又方用浮麥炒爲細末每服二錢米飲下

又方用陳米不拘多少麩皮同炒令黃色研細爲末米飲調下不拘時或白糯米肉煮食之

治陽脫證或因大吐瀉後四肢厥冷元氣不接不省人事或傷寒新差誤

行房事小腹緊痛外腎搐縮面黑氣喘冷汗出不救即死用葱白連

鬚三七根細切入砂盆內研細用酒二碗煮至一碗分作三服灌之

陽氣即回

又方用生薑二兩切碎酒煮服之仍炒葱白或鹽熨臍下氣海勿令氣冷

諸風第三

治中風心煩恍惚或腹痛或絕而腹脹用蘆中對鍋底土一塊研碎水調

服口噤者強開灌之得入便效

又方卒中風不語者用竹瀝灌之

又方用香油或薑汁灌之或吐或利即愈

又方中風口噤不開痰涎壅塞用皂莢一挺去皮弦塗猪脂以火灸黃

爲末每服一錢氣實盛者二錢溫酒調服牙關不開白梅搯齒口開

即灌藥下吐出風痰愈

又方用白礬二錢爲末生薑自然汁調灌之

又方治中風忽然若醉形體昏悶四肢不收涎潮於上膈氣閉不通用

猪牙皂莢四條肥實不蛀者去黑皮白礬一兩光明者共爲末輕者

半錢重者七分溫水灌下但微出冷涎一二升便醒次緩調治

又方用側柏葉一握去枝莖白一握連根細研如泥無灰酒一鍾同煎

一二十沸去渣溫服不拘時如不飲酒分作四五次服

又方治癰瘰大風一切諸風仍治脚氣并癱瘓傷折及破傷風服過百粒

即爲全人用紫色浮萍七月半擇取淨者不拘多少以盆盛水以竹

篩盛萍開於水盆上晒乾爲細末練蜜丸如彈子大每服一粒豆淋酒空

心食前化下

造豆淋酒法用黑豆半升揀淨炒令煙出以無灰酒三升浸一晝夜去豆取酒用之亦可常服

又方治中風身體強直不得屈伸反覆用梅橘樹皮細切一升以酒二升浸一宿每日溫酒服半升酒盡再作

又方治暗風倒地用北細辛爲末每挑一字搐鼻中

又方治中風失音用白薑七枚爲末酒調服

又方用韭菜搗汁服

又方產後中風不語角巾反張用大蒜三十片水一碗煮半碗灌下

治口眼喎斜用瓜蒌搗爛絞取汁和蕎麥麵搗作餅子灸令熱熨如正便止不令太過

又方用鱸魚一條以鍼刺頭上血左歪塗右右歪塗左如平正即洗去鱸魚放之則不發

又方用水調石灰如前法塗之

治白虎風歷節痛甚肉理枯虛生虫遊走疼痛兼身體麻木兼治傳尸勞虫其效用真川椒紅大者去子并合口者以黃稈紙二重於爐上炒出汗取頓地上用砂盆蓋以灰圍盆弦約一時爲末老酒浸白糕爲

糊丸如梧桐子大每服四十丸食前鹽湯下若治麻木辣桂煎湯下

腰痛茴香酒下

又方治虎風走注痛痺用三年陳醋二碗葱白二斤煮一沸漉出布帛熱裏當患處熨之

又方用芥菜子爲末雞子白調傳患處

治麻木不知痛痒用芥菜子研細醋調塗

又方霜降後採桑葉煎湯洗

又方用麻子炒香小便浸服

治風濕麻痺四肢拘攣用蒼耳子三兩水一碗半煎去渣分作三服或爲細末糊丸如梧桐子大每服五十丸溫酒吞下

又方治手足爲風濕所傷兼有脚氣用晚露沙以米醋拌炒令熱用綿絮包熨之

治大風肌肉麻痺皮膚癢爛用桑枝燒灰二斗熱湯淋取汁洗頭面次用大豆及黑豆漿和熱水三日一浴一日一洗面却用側柏葉蒸晒乾

救急良方

白膠香各等分爲末蜜丸溫水下三七粒日三服

又方治大風惡疾雙目昏眉髮自落鼻鼻倒肌膚瘡爛若不可救用皂莢刺三斤炭火蒸久晒乾爲末濃煎大黃湯下二錢服旬日間眉髮再生肌膚悅潤眼目自明

又方治大風不拘久近用真麻油半紅入坐其中浸七日無不差者

又方大風癢疾用煉成松香白色者不計多少研爲細末煉蜜和丸如梧桐子大每服一十丸食前蜜湯下一月後大效

治諸風癰俗呼爲風病用生白礬一兩好臘茶半兩煉蜜爲丸如梧桐子大每服三十九丸再用臘茶湯下久服風涎由大便出

傷寒時疫第四

治傷寒時疫及傷風初覺頭痛身熱用帶根葱頭一箇切碎以醋一盞煎稀粥飲一碗乘熱喫下以被蓋汗出即解

又方治傷寒已發汗未發汗頭痛如破生薑二兩連薑葱白半斤用水二碗煎冷減半去渣分三服

又方初覺傷寒傷食傷酒傷風以酸薑汁三大碗煎三五沸於避風處先飲半碗以手揉肚再飲半碗又用手揉肚更飲更揉直至厭足心無所容以雞翎探喉中令吐後煎蔥醋辣湯投之以衣被蓋覆汗出愈或用百沸湯依前法飲探探吐亦妙或用甜菜搗汁飲之

又方導引一法盤脚而坐用兩手交十指攀腰後風池風府二穴乃是風門也向前叩首幾至於地如此連點一百二十數急以蔥醋粥辛辣湯投之汗出立解

又方治傷寒鼻中出血不止用茅草花一大把無花用根以水煎濃汁食後服

治陰證用葱白一大把如茶盞大用紙捲緊却以快刀切齊一指厚片安於臍上以熱熨斗熨之待汗出爲度一片未效再切一片熨之

又方治陰毒傷寒用芥菜子末新水調如膏藥貼臍上汗出爲愈

傷寒戒忌病新差後但少喫藥粥常令稍饑不得飽食反此則復不得早起不得梳頭洗面不得多言不得勞心費力反此則復及差後

救急良方

六七〇

百日內氣體未得平復犯房事者死又忌食羊雞犬肥膩諸肉汁及
饒蘇餅油餅麵食病再發

治天行病熱盛用蚯蚓以鹽塗之化成水去泥飲之亦治交接勞復或陰
腫入腹痛

又方天行病心悶用水中細苦橘汁服

又方治時行病新好後多傷飲食其病復發用杏仁五兩去皮尖醋二
碗煎半碗服取汁服愈

治時行病後犯房勞復發男病以婦人棍槓燒灰女病以男子棍槓燒灰
湯服

治孕婦遭時疫令子不安頓用井底泥塗足心

又方用蠶中對鍋底土研細末水調服仍塗臍上方五寸乾再換

治天行瘟疫傳染將初病人衣服於鍋上蒸過則一家不染若親戚鄉里
有患瘟疫欲去看問先將清油抹鼻孔後出外又將紙捻於鼻內探
取噴嚏三五箇則不傳染

又方用雄黃研細水調以筆蘸蘸鼻竅中與病人同床亦不相染初
洗面後及臥時點之

又方凡入病久房內須舌頂上腭努力閉氣一口使氣充滿毫髮則病
不能染著

又方五月五日收蒼耳草陰乾水煎服

中諸毒第五

治誤食諸毒草并百物毒教人於必死

板藍根 乾者 實葉 一兩 土青 蘇 別研 生甘草 各二 右爲末蜜丸如
梧桐子大以青黛別爲衣如稍覺精神恍惚惡心即是誤中諸毒急

取藥十五丸爛嚼新汲水下

又方凡中毒及蛇虫咬傷

青黛 即用上 雄黃 各等

右爲末新汲水調服二錢

又方治中諸物毒

晉藥 建茶 各等
右爲末每服二錢新汲水調下得吐即效未吐再服

又方治蠱毒名丹砂丸

雄黃 另研 砂砂 另研 各 蘇麻 略炒 鬼白 巴豆 各二錢五分
右爲末蜜丸如豆大每服三丸空心乾薑湯下當轉下惡物并蠱等
如煩悶後以蠶爲蠶食之

又方治五種蠱毒

雄黃末 麝香末 各等 取生羊肝如指大以刀開內裏藥吞之

又方用升麻三錢溪水調服

又方用馬兜鈴根三兩搗篩分爲三貼每一貼以水一大鍾煎至五分
去渣空心頓服當時吐蠱出未快再服之以快爲度

又方教中蠱毒用白礬一塊嚼之覺甜不還大嚼黑豆不腫者便是有
蠱也用水梳齒上垢膩不拘多少服之吐出惡物

又方用石榴皮煎汁飲之即吐出活虫無不愈者

又方用蠶紙不拘多少搗作紙條蘸麻油燒存性爲末水調一錢頻
服諸中毒面青唇絕昏迷如醉口嚔吐血服之即愈

又方取鴉膽血腫多少服之

又方取白雞膽血腫口中立效

又方取胡荽根搗汁半盞和酒服其蟲立下
又方解諸毒殺腹內毒虫用藍青葉研水服
又方解諸毒下血者用蟬皮燒爲灰細研水調下一錢日進三服立愈
治中砒霜毒

漢椒 四十 黑豆 十四 烏梅 二箇 甘草 節 二寸 右咬咀用水一
煎至七分溫服

又方

白扁豆 青黛 甘草 各等分 巴豆 一錢去殼 右咬咀爲末以砂塔

一大塊水化開調一大盞飲之毒隨利去却服五靈散之類

又方用白扁豆一合爲末冷水調下

又方用清油一碗灌之

又方用早禾稗燒灰新汲水淋汁生絹濾過冷服一碗毒從下利即安

又方旋刺下羊血或雞鴨血熱服藥解鼠莽毒及丹藥毒

又方藍根砂糖二味相和搗水服之或加薄荷汁尤妙及解巴豆毒

又方以地漿調鉛粉末服之立解豆豉汁亦佳

又方用醬調水灌下

救食河豚急以清油多灌之吐出即愈

又方用五倍子白礬等分爲末水調灌之

食諸魚中毒用橘皮汁大豆汁馬鞭草汁蘆根汁紫蘇汁飲之

食鱗鱉蝦蟆毒用豆豉一大合新汲水半碗浸令豉水濃溫服之即差此

三物令人小便秘臍下痛有至死者

食蟹中毒濃煮紫蘇飲一兩盡解之

食六畜肉中毒以壁上黃土水調服二錢即差

食牛肉中毒以猪牙燒灰爲末水調一錢服

又方飲井水一碗自消

食馬肉中毒搗蘆根汁飲一盞兼作湯浴之即解

食風狗肉中毒用杏仁三兩和皮細研和勻分作三服以熱湯三盞下其

狗肉皆全片出即差

食豬肉中毒燒豬糞爲末水調服一錢不過三服差

食菜中毒用雞糞燒爲末水調服一錢未解更服

食野菌中毒用甘草不拘多少以麻油一盞煎數沸冷服其毒即解

又方掘新地坑汲井水於內攪之令澄清取飲而解

治中諸藥毒

救急良方

生甘草 黑豆 淡竹葉 各等分

右咬咀用水一罐濃煎服

又方用五倍子二兩研細用無灰酒調服毒在上即吐在下即瀉

又方用黃豆粉水調服

又方生薑搗汁服

又方用蠶蛻紙燒灰研細每服一錢冷水調下頻服取差雖面青脈絕

腹脹吐血服之立效亦治牛馬食花蜘蛛腹脹欲死者

中惡豆毒以黃連大豆蘆薈汁並解之

中烏頭天雄附子毒用大豆汁解

又方遠志防風棗肉飴糖並能解

中鼠莽毒用枯礬細茶爲末各少許新汲水調服果驗

又方用大黑豆煮汁服之如欲試其驗先用鼠莽草葉以豆汁洗其根

從此敗爛不復生矣

諸虫蛇傷第六

中丹毒用蠶中對鍋底土水調服

誤食桐油令人嘔泄飲熱酒乃解

救虎傷用生薑汁服兼洗傷處白礬末傅瘡上

救毒蛇傷并諸色惡虫毒氣入腹者用蒼耳草嫩葉搗汁灌之將渣厚敷

傷處犬咬黃汁服之

治惡蛇惡犬蜈蚣蝎子咬傷

細辛 白芷 各二錢 雄黃 一錢 麝香 少許

右爲末以好酒調服一錢

又方用貝母爲末酒調令病者盡量飲之少頃酒自傷處爲水流出候

水盡却以藥渣傅瘡上即愈

又方用艾於傷處灸三五壯 去毒即愈

六七一

又方用清油將心點燈以傷處於煙上煙之其痛即愈

又方用雞糞塗之

又方用柏樹葉魚腥草皺面草草決明一處研細傳上亦佳

治蛇咬傷用白礬蜜刀上燒汁熱滴咬處亦以礬汁服之

又方用青木香不拘多少煎服其痛即止

又方

雄黃 五靈脂 貝母 香白芷 各等分

右爲末每服二錢熱酒調服

又方用白礬滾水泡洗傷處

治蛇咬毒入腹者取兩刀於水中相磨飲其汁

又方用灰蓼搗汁飲之渣傳傷處仍以頭髮縛兩頭

又方

香白芷 爲末 麥門冬 去心 濃煎湯調下頃刻咬處出黃水盡腫消

皮合仍用此藥塗塗傷處

又方用水萍搗絞汁服

又方急於無風處以麻皮縛咬處上下重者刀割去傷肉小便洗令淨

燒鐵物烙之然後填蚯蚓泥次填陳年石灰末絹札住輕者鍼刺瘡

口并四傍出血小便洗淨以蒜片着咬處艾炙三五壯

治風犬傷急於無風處嚼去瘡孔血或是乾孔鍼刺去血小便洗令淨用

半瓣胡桃殼以人糞填滿掩瘡孔艾炙一百壯後一日灸一百壯百

日止急服者用蝦蟆乾一箇斑貓二十箇去頭翅足用糯米炒黃只

用斑貓與蝦蟆爲末酒調或水調服之分爲四服以小便瀉下惡物

爲度未見惡物量輕重再服者用韭菜汁一盞常飲者用虎骨末和

石灰臘猪脂調傳之禁飲酒食雞魚猪肉肥膩終身忌食大肉蚕蛹

春夏初交犬多發狂被咬者無出於灸七日當一發三七日不發可

全免如見痛定瘡合便以爲好不治者必死犬狂者其尾必直下不

捲口流涎舌黑色

又方去毒血以漿水洗淨紙上炒黃丹赤色貼之妙

又方用紫蘇葉細嚼敷患處即不痛

又方治咬傷及經久復發者

雄黃 黃明者 麝香 五分

右研勻以酒調服二錢服後得睡爲佳俟其自醒利下惡物再進一

服即見效

又方

生南星 防風 各等分

右爲末先以口噙漿水洗淨傷處用綿拭乾以藥搽上更不發無膿

易差

又方云此病雖爲小可乃九死一生之病可急用斑貓七箇去翅足爲

末酒調服於小便盆內見衣沫似狗形亦不再發也此方累試經驗

又方用葱白心四十九根搗爛如膏用生蜜一同調和用濕簡兒盛放

用紙封一七日貼傷處瘡口上七日又用葱白皮封着如瘡口大再

換膏子貼共二七日切忌諸般葷腥一百日外用消風散一錢用熟

雞肉七片葱白七莖蜜一小匙和撲再入原炙豬肉汁泡使葱白

熟令患人熱食小兒用肉七小片消風散一錢蜜半匙煮服

又方取小兒胎髮炒新香附野菊花研細酒調服盡醉

又方用紫蘇口嚼碎塗之

之亦妙

治冷瘡瘡用鹿角灰髮灰乳香爲末清油調傳

又方治瘡瘡成白累月不乾用上等好砂糖先用鹽湯淋洗後絹帛拭

乾以津唾塗却以此傳上三日愈

治外瘡生瘡臭穢潰爛數年不愈者用生龜一箇烏者打死去肉取殼酸

醋一碗炙醋盡爲度仍煨令白煙盡須存性碗合地上一宿出火氣

入輕粉麝香拌勻先以葱湯洗拭乾方用藥敷

治脚脛骨上生瘡久爛黑或發孔或臭穢不可近用蛇蟻十條小竹篾穿定瓦上焙乾爲末真清油調傳神效

又方用多年老杉木節燒灰真清油調紫葉盛隔貼瘡上以絹帛扎定不敷貼而愈

治脚肚生瘡初如粟米漸大爪搔不已成餅包脚相交黃水出瘡不可忍久疾難愈用百藥煎研細津嚥調逐遣塗傳自外而入先以貫仲煎湯淋洗後用藥

又方割雞冠血三五滴入瘡內大馬用雄雞小馬用雄雞

治猪咬用屋簷中泥塗之即今之承溜也

治猫咬用薄荷汁塗之

治鼠咬用猫毛燒灰麝香少許津唾調傳之

治諸惡虫傷用蛇蛻煮湯洗三兩度以膩粉生薑汁調傳傷處

治蜈蚣咬以麻鞋底揩之

又方用蚯蚓泥搥之或刺雞冠血塗或以桑樹汁傳之

又方用香附子嚼擦患處立效

治蜂毒用野苧葉擦之如不便急以手就頭爬垢賦傳之或用鹽擦或

用人尿洗之或桑樹汁傳之

又方油木梳火上炙熱熨之

又方解九里蜂毒用皂莢鑽孔貼在蜂叮處就皂莢孔上用艾炙三五壯即安

治蝎螫

白礬 半夏 各等分

右爲末好醋調貼痛止毒出

又方先以鍼刺螫處出血冷水浸之水稍溫即易之有難浸處以舊布浸冷水頻換搗之

又方治蝎螫雄者在一處痛用井底泥傳之雌者牽諸處痛當簷下泥傳之或以白礬末水調先挑出黑刺即塗之

救急良方

治蜘蛛傷遍身成瘡用葱葉一莖小頭作一孔盛蚯蚓一條捏兩頭不令透氣搖動化爲水點傷處

又方嚼韭白傳或雄黃亦可遍身腫服藍汁

遍身生絲用羊乳一味飲之極妙或用鹽和油傳上數敷搗之

又方蜘蛛咬或於地上坐臥不覺咬腎陰腫溫湯洗數次甚效

治蚯蚓咬

治辟風用蜈蚣幹乾燒烟燻之則去青鹽水遍洒床席即絕

治八脚蟲傷其虫隱於壁間以尿射人遍身生瘡狀如湯火傷用烏雞翎燒灰雞子白調傳

又方用生甘草煎湯洗之或吃梨葉傳之或搗韭汁塗之或將麻子傳之

治天頭蛇毒用落蘇即金絲草金銀花藤五葉紫葛天壽麥切碎用十分好醋濃煎先燻後洗

頭痛第七

治頭痛用皂莢爲末吹入鼻中得嚏則止

又方治遠年近日一切偏正頭疼用蘿蔔取汁一椀殼令病人仰臥右

疼注入左鼻左疼注入右鼻左右皆疼兩鼻並注之

又方用華撥爲末令患者含水左邊疼左鼻吸一字右邊疼令右邊吸一字即效

又方用大蒜一枚去皮研取汁令病人仰臥垂頭以筋蘸點入鼻中急入腦眼中淚出

又方用葶麻子一兩去皮研爛貼痛處

咽喉第八

治纏喉風以桐油灌之或燈盡底油灌之吐出風疾立愈

又方用馬蘭頭草夏取葉冬取根搗汁和醋滴入鼻中

又方治喉閉遠巡不救用皂莢去皮子半兩爲細末筋頭點少許在痛處更以醋糊調藥末塗項上須臾便破血出立效

又方用蛇蛻燒灰每用一錢以竹筒吹入喉內

又方用生白礬研細塗於綿絨上按於咽中立破綿絨用榆條上以綿裹作棗大是也

又方用射干即羅竹葉根也旋取新者不拘多少搗爛取汁吞下或動臟腑即解或用醋同研取汁嚕引出涎愈

又方用嫩艾葉研取汁吞下亦佳或用鼓槌草土牛膝二味生搗爛取汁灌下

又方於病人頂上分左右頭髮用手挽拔之剝然有聲立效

又方用馬屁勒吹咽喉中立止

又方以布鍼於病人兩手大母指側去爪甲一韭葉許刺二分以手持出血再以白湯口中含漱立愈

又方治雙乳蛾用皂莢二片雜草燒錢即百草霜一錢爲末冷水調加清油數點灌下或用燈草燒灰傳上

又方治喉間長腫如蒂鍾者鹽煨過雞毛蘸傳上即消不須刺破破則傷人

治纏喉風用紅花搗汁服之無濕者浸乾者服

治喉閉
麝香 白礬 各等分 生用

右研極細末合爲一處如咽喉初覺痛時用簫筒將此藥吹入痛處閉口切勿嚥下少時口涎下流覺藥力稍緩用溫水嗽之如此一二次即消腫痛矣如覺遲已成赤紫如皂莢子大者此藥可日加數次亦能消之白滾湯可用忌生冷之物

又方用草藥名喚金鎖匙即馬蹄草以根搗并花水調下立效

心病第九

治心痛用生地黃取汁搜麴作餅飪或作冷淘隨食多少但忌用鹽久服能療一切久近心痛

又方用地上隔年葱搗汁一杯和香油半盞頻服

又方用荔枝核七箇燒存性爲末酒調服

又方用醋一盞加生白礬一小塊如皂莢子大同煎至七分溫服

又方用橘皮去白煎飲之

又方以新嫩槐枝一握切去兩頭水二鍾煎至一鍾去渣分二次熱服

又方治急心痛熱痛用竈中心對鍋底泥爲末冷水服若冷痛以酒服亦治厥狂不識人

又方七箇烏梅入箇棗十箇杏仁同處搗鹽酒送下七丸兒不害心疼直到老

又方治虫咬心痛香油鹽熬熱服一盞

又方治寸白虫攻心痛用酸石榴東行根二兩糯米三十粒水濃煎空心服

又方治惡心痛或連腰膺者鹽如雞子大青布包燒赤投酒中飲當吐惡物

治狂言鬼語用蝦蟆一箇燒爲末酒調服

治心恙狂惑用無灰酒二碗真麻油四兩共和勻楊枝二十條逐一條攪

一二下換遍楊枝直候油酒相和如膏煎至七分狂者強灌之令熱睡或吐或不吐覺來即醒

治發狂欲走着邪祟者用蠶蛻紙作灰酒調服

治顛狂不止得之驚憂之極者用絲瓜蒂半兩爲末每服一錢井水調一盞投之即大吐後熱睡勿令驚起即效

又方治邪狂癲癩不欲眠妄行不休用白雄雞二隻煮熟五味調和作羹食之

腹痛第十

治絞腸沙用好明礬末滾水調服

又方若陰痧腹痛而手足冷有身上紅點以燈草蘸油點火燒之陽沙則腸痛而手足暖以鍼刺其手指近爪甲處一分半許出血即安仍先自兩臂捫下其惡血令聚指頭刺出血

3方治絞腸沙痛不可忍用炒鹽一兩熱湯調服危迫者灌入口中或吐或利腸痛即止

又方以手蘸溫水於病人膝腕用力拍打有紫黑處以鍼刺去惡血即愈

又方好酒和薑汁溫服

治心腹惡氣口吐清水用艾葉搗汁飲之乾薑汁服

又方治一切冷氣鬼邪毒氣艾和乾薑末爲丸每服三十丸

又方治腹脹氣惡用高良薑炒焦酒煎服或用胡椒研碎酒煎服

治腹脹痛用獨蒜大蒜煨熟去皮綿裹塞門冷即換亦治關格脹滿大小便不通

又方治血脹腹痛用荷葉酒煮服

又方用皂莢去子皮弦爲細末蜜丸如梧桐子大肉汁下利後服肉一日

治腹中癰塊堅硬如石者取白楊東南枝去青皮細切三斤熬令焦爛

盛用酒一斗浸蜜封三五日每食前暖一盞服之

又方治腹中有塊如石痛如刀刺者用商陸根不拘多少搗碎蒸之以新布裏熨痛處冷再換

又方治蛔虫日夜咬人腹內痛不可忍者用苦楝樹白皮二斤去蟲皮切碎用水一斗煎至三升去渣於沙鍋內慢火熬成膏每日於五更初用溫酒調下半匙以虫下爲度

又方治三虫搗桃葉絞取汁空心服一盞

又方治寸白虫用酸石榴根一握以水濃煎「痺惡心」先嚼肉脯次服石榴根汁則虫盡去

腰痛第十一

治腰痛

杜仲 去皮炒 橘核 炒取仁 各等分

右爲末每服二錢入鹽少許食前溫酒調下

救急良方

疝氣第十二

治小腸疝氣用杉樹子一歲一粒燒研灰用好酒下粒小者一二大服粒多者數次服立愈試有神效

又方用橘核晒乾去厚薄殼兩層研細每服五錢用老酒一二盞砂鍋中煮四五沸空心服再用熱酒一二盞灌盛餘藥服盡一切下部諸疾皆療

又方用荔枝核火燒存性爲末酒調服

又方用杜茴香一斤以老生薑二斤取自然汁浸茴香一夜約薑汁盡入茴香內以好青鹽二兩同炒赤取出焙燥碾羅爲末無灰油黃糊爲丸如梧桐子大每日空心食前服三十丸或五十丸溫酒或米飲下

又方治疝氣走入腎囊痛用五月五日採穀樹葉陰乾爲末空心酒送下

又方用楝樹葉碎切臨發時酒送下

又方於脚中指下中節橫紋上灸二壯愈

又方灸外踝穴在兩脚外羅拐骨下一指乃圓骨下灸三壯即愈又云灸內踝穴不再發

下

治男子陰腫赤大如斗人不能治者以馬鞭草搗爛塗之

諸氣第十三

治諸氣攻刺及感受風寒暑濕飲食所傷中脘痞悶嘔吐吞酸用陳皮洗淨新汲水煎服

又方治走注風毒疼痛用芥菜子爲末以雞子白調傳

又方治走氣疼痛用酸醋淬麝皮炒熱熨之

治氣卒奔上呼吸有聲喘急欲死者用韭菜搗汁飲之

治氣結聚心下不散用桃樹上不落花乾桃子三兩爲末每服二錢空心

六七五

救急良方

溫酒調下

又方用生薑和杏仁煎服

脚氣第十四

治脚氣疼痛槐柳楮桑桃同煎湯洗能消腫止痛先飲酒三杯

又方用水紅花黃汁浸之

又方每夜用鹽擦腿膝至足甲淹少時却用熱湯泡洗不再發昔有一人脚氣諸方不効得此常用淹洗不再發

又方治脚氣腫痛及蠱腫用白花商陸不拘多少切碎酒煮熱連商陸喫若腹肚蠱腫用商陸同米煮粥喫

又方治脚氣攻注用水中大螺一箇以鹽半七和殼生搗碎罨於患人臍下一寸三分用寬帛緊繫之仍辦溺器以待其通此遇異人傳授

仙方神驗又曾有苦脚氣攻注腿數螺傳兩股上傳覺冷氣趨下至足既而亦安

又方治脚氣用蘿蔔煎湯洗之或晒乾爲末鋪襪內或用楊花如綿絮鋪在襪內尤佳

水蠱第十五

治十種水蠱病腫滿喘促不得眠用蟻蛭五枚乾爲末食前湯調一錢小便通效

又方用商陸根赤者杵碎貼臍心絹帛縛定病自小便出

又方治腫脹名丹房奇術用

真水銀粉二錢 巴豆肉四兩 研去油 生硫黃一錢

右研成餅先以新絲一片鋪臍上次以藥餅當臍掩之外用帛縛之如人行三五里自然瀉下黃水待之三五度除去藥以溫粥補之久患者隔日取水一餅可救二三十人神效

又方用赤小豆商陸白者根各等分以雄豬肚一箇裝藥在內以篋籤

封其口於瓦罐內煮爛取去藥乘熱食豬肚宜食五七箇見效

痰嗽第十六

治痰喘用胡桃肉三箇生薑三片臨睡細嚼飲湯下就枕又再嚼如前飲湯下即安

又方用飛過白礬五倍子等分爲末每服二錢以生豬肝火炙熟鹽藥食後臨臥服

治痰厥用白礬一兩水一碗煎半碗入蜜少許再煎少許溫服須臾吐即如不吐再飲熱水一盞即吐

治暴患痰厥不省人事清油一盞灌入喉中須臾吐出痰涎立愈

治年高氣喘促用蘿蔔子搗羅爲末白湯調五七錢食後服之或用蜜作劑爲丸服

治咳嗽久患連嗽四五十聲者用生薑汁半合蜜一匙煎熱溫服三服立效

又方治氣喘咳嗽用杏仁去皮尖胡桃肉等分研爲膏入蜜少許和丸如彈子大每服一二丸食後臨臥細嚼薑湯送下

又方治久嗽氣逆諸藥不效用蠟蝠一箇去翅足燒令焦爲末米飲調下

又方治咳嗽用皂莢燒研爲末白湯調二錢

又方治壯實人久嗽用嬰粟殼去筋膜蜜炙爲末蜜湯下

又方治咳嗽不止胸膈氣壅滯者取桃仁一升去皮尖麩皮炒同令黃細研貯瓶中以酒五升浸蜜封三日後每溫服一鍾日進三四服

又方用蟬蛻七枚研末粥飲調服

胃病嘔噎第十七

治傷食傷米食用白麵一盞白酒藥兩丸爲末炒過滾水調服

又方治傷肉食用棠棣去核煎服

又方用紫蘇濃煎汁加杏仁爛研同服

又方用蘆根五兩切碎水三鍾煎一鍾服

治乾嘔吐或致手足厥冷用橘皮四兩生薑半斤每服水七鍾煎至三鍾去渣旋溫服

治轉食嘔吐用陳蜆殼燒白灰米飲下亦治痰嗽

又方用黃柏末熟酒調三五錢食後服

又方用生薑一兩切如米大醋漿一碗煮半碗空心利渣啣之

又方用干葉白槿樹花陰乾爲末陳米湯調送三五口再轉服之

又方治翻胃吐食用真蚌粉每服二錢薑汁米飲調下

又方治吐逆不止用真黃丹四兩研細用米醋一盞煎令乾更以火煨通紅候冷爲末粟米大爲丸如梧桐子大醋湯吞七丸不拘時服之

諸血第十八

治吐血并鼻中出血用藕節搗汁飲之

又方用灶中對鍋底土一合爲末新汲水一碗淘取汁和蜜頓服

又方用好綿燒灰麴糊爲丸酒調下

又方治鼻中出血用干葉石榴花焙乾研爲末吹入鼻中

又方治吐血用側柏葉攤新瓦上焙乾爲末每服三錢米飲調食後服一月除根

又方用側葉柏陰乾煎湯當茶服之

又方治勞心吐血用蓮子二十一粒爲末酒調二錢食後服

又方用百草霜不拘多少研細吐血糯米飲調下鼻中出血用一字吹入鼻中

又方治吐血鼻中出血用蘿蔔研汁入鹽服一盞立效或以蘿蔔汁藕汁仰頭滴入鼻中

又方治鼻中出血用亂髮燒灰并水調下更吹鼻中

又方每發時用亂髮一束撚緊燈火燒出油急塞鼻中

一救急良方

又方用大蒜塗脚心即止或以葱白搗汁入酒少許滴鼻中

治失音不能言或咯血或中風用槐花新瓦上炒香熟三更後床上仰臥隨意食之

治大小便下血用亂髮燒灰研碎酒調服二錢

治腸風下血用炒槐花刺芥穗等分酒調服亦治泄瀉

又方用茄蒂燒存性爲末米飲調服

又方用柏子仁十四枚撚細薑盛內好酒三鍾煎至八分初服未效加多再服立止非飲酒而致斯疾以艾葉煎湯服效勝他藥

又方用椿根白皮北行根者去粗皮酒浸晒乾爲末棗肉爲丸如梧桐子大每服三十丸淡酒送下

又方用豬臟一條控乾炒槐花爲末填入臟內兩頭線縛定以好醋於磁器內慢火煮爛切片砂鉢內研爛爲丸如梧桐子大每服一二十丸溫酒下

又方治大便下血不止用烏梅三兩燒存性爲末好醋打米糊爲丸如梧桐子大每服七十丸空心飲下

治尿血用蝦蟆衣草搗汁空心服或用淡豆豉一撮煎湯服

又方用刮竹青一大塊水煎服

又方用芋藤根十枚水煮服

又方取籬下竹根斷入土多年者不拘多少水淨洗煎湯併服數碗立止

又方用茅根煎湯飲多煎類服爲上

又方治精竭出血用麝皮炒香炙肥豬肉煎食之

消渴第十九

治消渴用田螺五升水一斗浸經宿渴即飲水每日換水浸

又方用繅絲湯飲之如無以生絲煮汁飲之

又方用五倍子爲末以水調方寸七不拘時服

又方用深掘大瓜藤根削去粗皮寸切以水浸一日一換浸五日取出

爛碎細絹絞汁如作粉法乾之水調方寸七日三四服入牛乳好
又方用糯稻稈取中間燒灰淋汁飲或不燒煎服亦妙或用生牛乳細
呷或生蘿蔔取汁時服少許

又方用舊屋上瓦兩片洗淨槌碎以水煮濃汁食後溫服一小盞

又方用活蠅牛四十九個以水一碗於磁器中浸一宿以器蓋之其蠅
自沿器上取水溫服之重者不過三服

霍亂第二十

治霍亂轉筋用皂莢末吹鼻中得嚏即止

又方治霍亂轉筋吐瀉用扁豆葉生搗以少醋浸汁服

又方治霍亂心腹脹滿疼痛不吐瀉冷汗出氣絕者用極鹹鹽汁三碗

熱飲一碗探喉中令吐盡宿食不吐更服吐訖再服三吐乃止此法
大勝諸方俗人以爲田舍淺近鄙而不用守死而已惜哉

又方以淨地掘一潭用新汲水一桶傾在內攪令渾候澄清連飲三五

盞立愈大忌飲白米湯

又方治霍亂轉筋入腹痛極將死用生薑一兩槌碎酒五盞煮熱服

又方治霍亂吐瀉服藥即出無法可治用井水半碗白沸湯半碗相合
服之

又方治霍亂吐瀉心腹作痛用炒鹽一碗布包頓其胸前并腹肚上熨

斗火熨令氣透又以炒鹽熨其背則愈

又方治霍亂轉筋欲死惟腹中有緩氣者以鹽納於臍中令實就鹽上
炙七吐

瘧第二十一

又方生薑四兩連皮搗碎取汁夜露至曉空心溫服

又方用狗蠅一個去翅足以蠟丸之當發日冷酒吞下

又方用牛膝草根水煮不時服

又方名截瘧丹五月五日取獨蒜不拘多少香爛入好黃丹再尋乾溫
適勻丸如圓眼大晒乾收貯但瘧疾二三發後臨發日雞鳴時以藥

一丸略搗碎取井花水面東服之即止不再發

又方

雄黃 人參 神麴 各五錢

右三味爲末五月五日午時用棕尖子七個和爲丸如赤豆大病未
發時面東服七丸無根水送下

熱第二十二

治發熱口乾小便赤用甘蔗搗汁服

又方用雞子三個白蜜一合和服之

又方用天麻子五合研碎水二升煮去半升服四五劑差

又方治煩熱少睡用小麥作飯食之

又方治煩悶用野紅花苗根絞汁飲或水煎服

又方用葛根搗汁飲亦治孕婦熱病心悶

又方用大豆半升水二升煮濃汁食後服

疸第二十三

治黃疸黑疸酒疸食疸用豬脂八兩亂頭髮如雞子大二塊同煎臨服絞

去髮分二服病從小便出

又方治黃疸用絲瓜連子燒灰爲末因麵得病麵湯下因酒得病酒調
下數服可愈

又方治黑疸急用土瓜根一斤搗碎絞汁溫服富有黃水從小便出未
出更服

又方治通身黃疸用絲瓜蒂焙乾三四錢爲細末每用半字於鼻內吹
入一日一度併三日如不愈用黃芩末煎湯下五錢

又方治黃疸身眼黃如金色者用東引桃樹根一握如筋大者切細以
水一碗煎取半碗空心溫服後三日疸黃離離漸散忌食豬肉麩

麵

又方治食勞黃目黃身黃者用皂礬不拘多少放砂鍋子內木炭燒通紅赤用米醋點赤爲末棗肉爲丸如梧桐子大每服二三十九丸食後薑湯下或治目黃用蒼耳子安舌上(出涎此即皂礬丸)

又方治酒疸用田螺七枚水養去土蝕碎取螺頭切碎以熱酒浸服或用田螺煮服

治好飲茶并乾茶葉而黃無力用花椒去核爲末糊丸如梧桐子大茶湯下一十丸

又方用苦草爲末和炒熱芝麻不時乾服

淋濁遺精遺尿第二十四

治男子白濁婦人白帶用陳年冬瓜子仁炒爲末每服五錢空心米飲調下

又方治赤濁用石蓮肉蓮心六兩甘草炙一兩爲末每服二錢燈心煎

湯調下

治諸淋病小便赤澀疼痛用三葉酸漿草洗淨搗汁一盞酒一盞攪勻空心服立通

又方治石淋用蟻蚶七個鹽二兩同鋪新瓦上以火焙乾研爲末溫酒調下二錢即愈

又方治五淋以多年木梳燒存性空心冷水調下男用男梳女用女梳又方用白礬爲細末填臍中滴以井水通即去

又方治淋痛疼不可忍及砂石淋以大蘿蔔切作一指厚四五片用好蜜煎淹少時安鐵鑊上慢火炙乾又煎又炙取盡一二兩蜜煎覆灸

令香熟不可焦候冷細嚼以鹽湯送下

又方治五淋用芋麻根二莖切碎以水一碗煎半碗服立通

又方治血淋用乾柿燒存性爲末米飲調下

治精氣虛滑遺泄不禁名玉瑣丹

龍骨 蓮花蕊 雞頭實 烏梅肉 各等

右爲末用熟山藥去皮爲膏和丸如小豆大每服三十丸空心米飲下

又方治精滑夢遺及小便後遺瀝名金櫻丸

金櫻子 雞頭實 各一 白蓮花蕊 龍骨 各半兩

右爲末糊丸如梧桐子大每服七八十丸空心鹽酒下

又方治精不禁危急者名勝元丹

龍骨 酒黃 煅砂 水飛各 砂仁 半兩 訶子 小者熟灰煨

右爲末糯米爲糊丸如梧桐子大每服三十丸空心溫酒下臨臥白湯下

又方名櫻樹根丸

良姜 三錢 黃柏 芍藥 各二錢 煨 櫻樹根皮 一兩

右爲末麵糊丸如梧桐子大每服三十丸空心茶湯下

又方治小便淋瀝用葵花一握水煎五七沸服之

治夜多小便用純糯米蒸糕一片臨臥炙令軟熱睡之仍以溫酒下不飲酒白湯下多啖愈佳行坐良久待心下空便睡一夜十餘行者當夜即止又方用胡桃慢火煨熟臨臥溫酒同嚼下

治睡中遺尿用燕窩中草燒爲末水調服

又方用雞肫肝一具并腸淨洗燒灰男雌女雄爲末酒調服

又方用雞肫肝一具并腸淨洗燒灰男雌女雄爲末酒調服

又方用炒鹽半斤布裏乘熱熨小腸

又方治小便難小腸脹用葱白三斤切細炒令熱以布裏分作兩處更替熨臍下即通

又方用豬膽投酒熱中服立通

又方用棕皮毛燒灰存性以薄酒調下即通利果試甚驗

治大小便不通關格不利用皂莢燒研末粥飲下三錢

又方用連根葱一二莖帶土生薑一塊淡豆豉二十一粒鹽一撮同研爛捻作餅子烘熱掩臍中以布絹札定久之氣透自通不然再換一劑

又方用明礬一撮安臍中冷水滴濕須臾立通

治大便不通用豬脂二兩水一碗煮三沸飲汁立通

又方治大便祕結至極昏不知人用大田螺二三枚以鹽一小撮和殼生搗碎置病者臍下一寸三分用寬帶繫繫之即大通未效用烏粗木根三寸研爛調水服亦效就研爛付臍下亦妙

又方用獨頭大蒜煨熟去皮綿裏塞糞門內即通

又方用不蛀皂莢安瓦上燒着置馬桶內坐上燻糞門自通

又方用豬膽一箇入好醋少許札鷄毛管上灌入糞門效

又方用蘿蔔子一合研碎皂莢燒研末冷水調二三錢服

又方用生麻子不拘多少研水燻調服之

又方用蜜四兩置銅杓內微火煎之凝如膏以杖攪之勿令焦乘熱取出急捻作挺子如指長挿入糞門內以手按住大便來時去之

痔漏第二十六

治痔瘡大便下血用槐樹上木耳爲末米飲調下每日三服

又方治痔漏用蛭螂不拘多少焙乾爲末先用白礬水洗淨貼之

又方用槐花炒枳殼去穢各一兩爲細末醋糊爲丸如梧桐子大每服二十九米飲湯空心食前下

又方用鳳尾草赤及葱椒三味搗渣同煎百滾盛坐盆內令熱氣燻痔

但通手洗之如此不過三次愈矣

治五痔用蒼耳二兩搗爲末食前粥飲調下一錢效

又方鼠乳痔用蜘蛛絲纏其上自然消落

又方治痔瘡下血用馬齒莧法去土搗碎絞汁緩火煎成膏停冷每日取少許作丸納所患處

又方肛門邊腫硬疼痛不可忍者以白礬三分碎研用熱童便二盞化開洗痔上一日三次

又方用桃樹根煮汁一日三次洗之

又方用枳殼燒烟燻一方枳殼煎湯洗一方枳殼爲末米飲調服其效

又方用魚腥草 其狀三角一邊青山中多有之其葉若荇菜多生僻處陰處以指撷其與魚腥相似也

取一握煎湯燻洗仍以草搗痔即愈

又方治痔瘡用鐵鑊燒燻糞門痔虫盡死

治漏瘡惡水自大腸出用黑牽牛研細去皮細末一分入豬腰子內以線

札膏膏藥包火煨熟細嚼溫鹽酒下

急救良方卷之二

四明芝園主人集

夏邑嵩螺山人校

痢瀉第二十七

治痢瀉初起即以細茶生薑各三錢水二鍾煎至八分服之重者各五錢

煎服即止不愈再服

治赤白痢用薺菜根葉燒灰湯調下極妙

治熱痢不止用蝦蟆衣草葉搗汁一盞入蜜半盞煎溫分二服或用蝦蟆

衣草子炒香熟爲末米飲調下

治諸痢以艾葉陳皮煎湯服

治腸滑久痢以石榴樹破屨屨燒令煙盡急取出不令作白灰用碗蓋地

上一宿爲末以酸石榴一片水一鍾煎湯服二錢亦治泄瀉

治白痢腹痛用雞草燒錢五錢爲末熱酒調食前服

治血痢用鹽梅去核研一枚合湯加醋服之

又方罌粟花未開時外有兩片青葉包之花開即落地收取陰乾患赤

白痢垂死者研爲細末米飲調下一錢神效

治禁口痢湯飲米穀不下者用蓮子去殼留紅皮及心爲細末用井花水調下

每服二錢或三錢日進二服見效

又方累試累驗

黃連 三錢 人參 一錢 五分

水一鍾半煎至七分溫服藥入口即甦

又方名芎藭散

川芎 嬰粟 各一兩

共爲細末每服八分空心蜜湯送下

救急良方

又方用蓮肉去皮炒爲末每服一錢空心米飲調下

治休息痢及痢瀉用雞子一枚打破用黃蠟一塊如指大溶化以雞子拌

和炒熱空心食之

治泄瀉用五倍子爲末白湯調服

又方用生薑二塊艾葉一把水煎服

治暴瀉不止小便不通用車前子炒爲末每服二錢米飲調下其根葉亦

可搗汁服

治水瀉用豬肚一枚淨洗去脂膜入大蒜在內自晨至晚以肚蒜糜爛

爲度杵成膏子入半胃散同杵丸如梧桐子大每服三十丸鹽湯或

米湯空心服

又方用生薑一塊去皮破作兩片刮去薑心納白礬塞滿以紙包火中

煨令乾熟取出以鹽合地下一宿出火氣却以百沸湯半鍾冷水半

鍾相和調陰陽水將薑細嚼此水送下

又方以大蒜搗爛貼臍下并脚心立止

又方用槐花一合炒熟爲末米飲下

面第二十八

治面黑惡用江米十粒半夏五分共爲細末用水調成膏子少許用簪尖

挑在黑惡頭上待乾剝去黑皮如有黑再照前點如無再不必點

又方用黃瓜割開去穢入皮硝於瓜內填滿外以繩密縛周固懸於無

日風吹之處下以盆盛之瓜內水流入盆內塗於患處或以新磁碗

盤角鋒略去患上浮皮以前水塗之皆效

治雀子斑

霜梅肉 櫻桃枝 豬牙皂角 紫背浮萍 各等分

右研爲細末如常洗面其斑自去

治面上瘡用好白芷一味爲末好酒調塗瘡上待乾以井水潤濕之掃去

再塗新者連易三四次即愈

眼第二十九

- 治眼目赤腫翳痛用鯉魚膽點之亦治雀盲
治兩目暴赤用長流水煎鹽湯二碗飲後以雞翎於咽喉中探引吐之又
以草荳引鼻中探出血即愈
治赤眼用甘草水磨明礬傳眼泡上痛即止
治風赤眼用蚯蚓十條炙乾搗爲末臨臥時以冷茶調下二錢
又方用蝦蟆衣草洗淨搗爛攤向眼上帛繫之頃時即差
治赤眼疼痛用薺菜根搗汁點眼搗汁點眼中
又方用冬青葉洗淨入鹽少許濃煎乘熱洗之
又方以自己小便洗眼效
又方用水浸黑豆至夜連皮研細重眼上睡或用豆腐貼亦佳
治小兒赤眼用黃連爲末水調貼脚心赤眼自退
治眼腫痛用生薑自然汁調飛過白礬貼眼胞痛即止
又方用青鹽火煨以碗合地上出火氣研細每用半錢熱湯一盞泡溫
洗爛眼及拳毛倒睫效
治冷淚目昏用薑肥者爲末每用一字沸湯點洗或用貝母一枚膩白者
胡椒七粒爲末點之
治眼痒多因布巾拭破眼眵致成爛眦風不得乾好用白礬一兩銅青一
兩同研細和勻每用半錢熱湯半盞泡澄清以手蘸開眼如法洗必
灑不可拭乾但閉目坐得灑止自開眼如藥冷將紙蓋蓋面於此瓶
上頓溫又洗一日洗四五次
治眼翳膜入年不散每日三次以舌舐其膜漸漸下緣人真氣使然
治眼生花及翳用刀刮指甲細屑和乳汁點翳上即退
治眼青盲以豬膽五枚取汁於銅器中慢火煎令可丸即丸如黍米大納
眼中驗
治眼中努肉用杏仁十四枚去皮尖生嚼吐於手心乘暖以綿纏筋頭點
努肉上不過三四度即差

治諸眼疾夜含蘿蔔一片數次易之收諸毒氣

又方用野菊花作枕頭明目

又方用羊膽一枚入蜜一錢在內線札砂鍋內滿入水煮熟冷水內浸
取出候乾傾入蒜罐內以筋點眼四角效

治時行害眼并風眼有淚者用皮硝六錢水一鍾煎七分候冷定洗眼每
日洗數次眼如童子明每一月煎一週

治物入眼中用好墨清水研筋點即出

又方飛絲入眼用新筆於眼內運攪即收在筆上

耳第三十

治耳聾用鼠膽汁滴入耳中

又方用樓子葱尖掉耳中

又方用九節菖蒲末草麻子爲膏綿裹塞耳中

又方用蚯蚓三條鹽少許貯在蔥葉中自化爲水滴入耳中三五日即
差

差

又方用草麻子五十箇去皮與熟棗一枚同搗更入乳汁丸如棗核大
每用一丸綿裹納於雙耳內覺熱爲度一日一換如藥難丸日中晒
少時

又方口嚼甘草一枚耳中塞二塊立效

治耳痛用鱈魚血數點入耳內便愈

又方用白鹽炒熟重綿包裏

又方用杏仁炒熟研細以綿裹塞耳

治底耳以枯白礬爲末填耳中立效

治停耳膿血不止用白礬燒灰吹入耳或以蚯蚓乾爲末吹入耳

又方用青橘皮燒灰研細爲末用綿裹塞耳日換三四次

治耳痛腫痛用五倍子爲末水調塗如有水乾搽之

治百虫入耳用兩刀於耳邊相磨夏作聲即出

又方用瓷器於耳邊敲作聲即出

又方用麻油灌之即出

又方用桃葉按細塞耳自出或以藍青研汁滴耳中

又方用葱涕灌耳中虫即出亦治耳聾

治蛇蟻入耳用猫尿灌耳立取猫尿用盆盛猫以生薑擦牙

治蒼蠅入耳用皂角子研爛用生膳魚血灌耳中

治蟻子入耳用豬精肉一指火炙令香置耳孔邊即出

治蜈蚣入耳用生薑汁或韭汁灌耳自出或以熟雞肉一塊置耳孔邊自出

治物入耳中不可出以麻繩剪二頭散溶牛膠在上探入耳中使其物粘

之徐徐引出效

治水入耳中薄荷汁點之效

治黃豆入耳中用鷄翎管截長一二寸許去其中膜留少許於一頭以有

膜之頭入耳中口氣吸即出

口第三十一

治口瘡用白礬一兩鐵杓內火熬汁乾黃丹一兩炒紅色放下紫色爲末

搽瘡上

又方用宿砂火煨爲末搽瘡上或用蓮花片貼之效

又方用乾薑黃連各等分爲末搽之吐出涎水立效

又方用生薑自然汁漱口數次涎出效

又方用吳茱萸爲末醋調塗足心效最宜小兒口瘡不肯服藥者一貼而愈

又方以白礬爲末湯化灌足或以五倍子爲末搽之

治口瘡生瘡取陳壁上土細研傳之

治口唇緊小不能開合不能飲食不治即死用白布作燈炷如指大安於

刀上燃燒令刀上汗出拭取傳唇上日二三度或用舊布布燒灰酒

調服或和豬脂塗傳又以蛇蛻燒灰先拭淨傳之又以鱗鱉中燒灰

豬脂調傳

又燒亂髮蜂房六 毛灰用豬脂調傳又馬齒莧煮汁洗之

救急良方

治唇緊燥裂生瘡用橄欖不拘多少燒灰豬脂和塗患處

舌第三十二

治舌強腫如豬胞以針刺舌下兩邊大脈血出即消勿刺着中央脈令人

血不止則以火燒銅筋烙之或以雜草燒錢錢調傳舌上下脫去

再傳須臾而消此患人多不識失治則死凡舌腫舌下必有虫狀如

蟻站臥者有頭有尾頭小白可燒鐵釘烙頭上即消

又方用針針磨令極尖輕刺之日刺八九次血出盡痛滅腫消

治舌忽脹出口外用雄雞冠刺血以蓋盛浸舌嚥下即縮

治重舌用鐵線燒紅打下鐵線爲末水調一盞噙之

又方用灶中心對鍋底土酒調塗舌上用黃丹如豆大安舌下

治舌無故出血以炒槐花爲末搽之愈

又方用亂髮燒灰水調一錢服

治飲酒過多咽喉爛舌生瘡用水中田螺蚌肉以葱豉薑椒煮汁飲三盞

效

牙第三十三

治牙疼用白楊樹皮爲末每服三錢熱酒調含之漱灌或以枯白礬熱水

嗽之

又方用蜂房一枚以蠶盛孔內以火燒研末擦牙痛處鹽水漱吐之

又方用蝦蟆頭上白汁塗綿上陰乾以米粒許塞牙縫牙根腫者須針

刺出血

又方用紅豆研少許吹鼻中

又方用野苧葉略撚動塞鼻中

又方用霜殺老絲瓜燒存性爲末擦痛處立止

又方用蛙竹屑陳皮各一兩烏梅肉研如泥傳疼處

又方用肥皂一箇去穢內入山賴甘松各三分花椒鹽不拘多少以塞

肥皂滿爲度外用麵包裏煉紅取出研爲細末每日擦漱風虫牙痛

俱止

又方治牙風痛用豬牙皂角一箇於門檻上砍作兩截以酸醋一盞煎滾候溫漱之神效

治虫蛀才痛用韭菜連根淨洗搗爛同人家地板上泥和勻納痛處蛀孔內又將紙貼痛處隔上二時取下細細虫見於泥上可除病根

又方治虫牙痛不可忍名一笑散用目椒爲末以巴豆一粒研成膏飯丸如蛀孔大綿裹安於蛀孔內昔有樂清子患此號呼之聲徹於四隣諸藥不用此愈

治牙熱腫痛出血用柳枝扎碎二碗槐枝扎碎二碗鹽一碗加青鹽二兩井水八碗鍋內煎乾炒燥碾爲細末擦上

又方用旱蓮草搗汁和鹽煎成瓶又碾爲細末每日擦漱服之

又方治齒斷出血用白礬一兩燒研爲末每用半錢傳齒根下齒中出血煎淡竹葉湯頻漱之

又方用當歸極大者一根去頭尾入竹筒內周圍用白鹽填實用紙塞口炭火燒存性爲末擦牙洗眼津嚥下又烏鬚髮

損傷第三十四

治刀斧傷用石灰包裹定痛止血立差

又方用五月五日採露草一百種陰乾燒作灰與石灰等分以井花水和丸燒白刮傳瘡上止血生肌

又方用葵葉燒灰或乾葉爲末皆可傳

又方用琥珀屑之止血生肌瘡口即合

又方用蟹黃及足中肉熬末內瘡中筋斷亦可續

又方用脫蛾蛾爲末搽上白絹裹止血生肌隨手瘡合

又方用大黃石灰等分爲末一傳即效或炒爲粉紅色傳

紙將杉木片縛立效

治打撲有傷瘀血流注用半夏爲末調傳傷處一宿不見痕效

治瘀血流注紫黑或傷眼上紫黑用大黃爲末以薑汁調傳一夜一次上藥一宿黑者紫二宿者白矣

治從高墜下及墜馬損傷取淨土和醋蒸熟布裏熨之斯須痛止

治癰瘰有傷口嚼燈心繩之血即止或用冬青葉曬乾爲末搽傷處或細嚼傳上或用薑汁和酒等分拌生麵貼之或以桑根白皮搗汁擦之或用酸梅搗碎罨瘡口免破傷風

治破傷風用病人耳中膜并爪甲上刮末唾調傳瘡上立效

治破傷風牙關口緊四肢強直用鷲鷲頭連尾燒作灰研以臘豬脂調傳

治破傷風浮腫用蟬蛻爲末葱涎調傳破處即時去惡水立效或用魚膠一錢溶化封之又酒服一錢

癰疽疔毒第三十五

治癰疽發背惡瘡腫毒初生及毒蛇風犬所傷用大蒜切片子如錢厚安腫上以艾灸之蒜熟更換新者初灸覺痛灸至不痛即止

又方治發背用榆樹一名田根皮切碎清水泡洗搗極爛和香油徧敷患處只留瘡頭出氣若藥乾拘急用苦茶濕潤藥不粘更換新者將愈用桑葉嚼斷筋隨大小貼患處漸收漸小口合乃止神效

又治癰疽發背用大薊根俗謂之野紅花其葉似苦蕒但其葉出尖處有針刺四五圓開花不拘多少淨洗切

碎研如膏塗瘡上其冷如冰初發者能消散已成者速潰

又方用牛皮膠二兩酒二升同煮候牛皮膠溶化放溫令病者徐徐飲盡如未結成即消已結成即易潰已潰即易差如未效再服必效矣

治癰疽不消已成膿不得破用蠶繭出過蛾見空殼一箇燒灰酒調服即穿

又方治腫毒未破用蝦蟆一箇先炒石灰後用蝦蟆剝碎和炒灰研如泥用帛攤上貼患處自破

治一切癰疽及婦人乳癰初發時用鷺蘆藤搗碎不犯鐵器大甘草節一

兩各生用水二碗慢火煎一碗入無灰酒一大碗再煎十數沸去渣分三次溫服如無生者用乾者終力淺更取生藥一把搗爛入酒少許調稀稠得所傳瘡四面中心留一口泄毒氣大有神效

又方以黃蜀葵花用鹽搽放入磁器內密封經年不壞每用傳患處無花根葉皆可

又方治癰疽發背初發腫作便以紙一片水浸濕搭腫上視其上一點先乾者即是正頂先以水和麵作團安於正頂上却用大馬蟻一條

一名安於中頻以冷水灌之馬蟻當吮其穴膿血出毒即散如毒大蟻小須用三四條方見功若吮着正穴蟻必死用水救活其瘡即愈

累試奇效血不止以藕節研爛塗止之茅草花亦好
又方治癰疽發背癰瘰疬瘡漏瘡衛護心膜驅解諸毒自然內消用微明礬生用二兩為末黃臘一兩二錢溶汁就爐上入礬拌和衆手丸如梧桐子大每服十五丸溫水或冷酒常服之或以枯白礬炒鹽等

分細研每服一錢新水調瘡未回再服同覺痛即止漏瘡用雞肫內黃皮為末塞孔

治附骨疽久不差膿汁敗壞或骨從瘡孔出用大蝦蟆一個切碎亂頭髮

一握如雞子大猪油四兩以豬油煎前藥濾去渣如膏先以桑根皮烏豆煎湯洗拭乾蝦蟆骨末搽瘡四畔令易收斂却用膏貼之

治坐馬癰用紡車絞繩紡乏者燒灰傳

治便癰用皂角不蛀者燒過陰乾為末酒調服或用皂莢子十粒水服之

又用皂莢炒焦小粉炒等分相勻以熱醋調仍以紙攤貼患處頻頻水潤之效

又方用胡桃仁七個燒過陰乾為末酒調服之不過三服或用生蜜米粉調服休吃飯利小便效

治男子陰頭癰用紫甲為末雞子清調傳

治疔瘡用蒼耳子根梗苗但取一色燒灰和醋濃如泥塗乾再換上不過十次即拔出根

救急良方

又方用生蜜與隔年葱一處研成膏先將瘡周圍以竹篦刺破然後用

藥於瘡上攤之用緋帛蓋覆如人行二十里覺疔出然後以熱醋湯洗之

又方用白梅肉荔枝肉同搗成膏捻作餅子依瘡大小安上根即出

又方治疔瘡垂死者用甘菊花葉一把搗汁一盞入口即活冬月用根此方神效

又方用蟬蛻殭蠶為末酸醋調塗四畔留瘡口根出稍長然後拔去再用藥塗瘡上

又方取蟾酥以白麵黃丹搜作劑丸如麥粒狀用指甲扯動瘡上插入重者針破患處以一粒納入仍以水沉膏貼之取蟾酥法用癩吃蟻

即蟻於眉刺破把手按出酥於油紙上或桑葉上然後插在背陰經宿則自乾白於鷄翎筒內盛之水沉膏法用白芨末半錢水盪內沉下澄去水却於皮紙上攤開貼瘡上

治魚臍疔瘡用絲瓜葉連鬚葱韭菜同人石鉢內搗爛如泥以酒和服初

貼腋下如病在左手貼左腋下在右手貼右腋下在左足貼左膝在右足貼右膝在中則貼心臍並用帛包住候向下紅絲皆白則愈如有潮熱亦用此法却令人抱住恐其顛倒則難救矣

又方治魚臍瘡頭黑皮破黃水出四畔浮漿用蛇蛻燒存性細研雞子清調傳

諸瘡第三十六

治瘰癧用草麻子炒熱去皮爛嚼臨睡服三二枚漸加至十數枚其效

又方將臘日猫屎用新瓦二片合在內外用鹽泥封固燒成灰以少油調塗瘡口上

又方治瘰癧已潰未潰用蝸牛不拘多少以竹絲串尾上晒乾燒存性入輕粉少許猪骨髓調用紙花量瘡大小貼之一法以帶殼蝸牛七

個生取肉入丁香七粒於壳內燒存性與肉同研成膏用紙花貼之又方用大田螺并壳肉燒存性為末破者乾貼未破者清油調傳

又方用不蛀皂莢不拘多少每三十條作一束以棕櫚裹之縛定於冷
黃缸內浸一月取出却於長流水內再浸一月死水不能浣洗不可
用去棕櫚晒乾不得焙搗爲末每一兩入麝香半錢全蠍七個研細
拌勻每服一二錢溫酒或飲湯調下

又方用乾薑不拘多少爲末用薑汁打糊和作劑子用黃丹爲衣每日
一次隨瘡大小入藥在內追膿生肉爲度瘡口合則已如瘡口不
斂用大黃末以葱白汁調搽即愈仍日服十宣內托散二服如瘡腫
不破者用野菊花搗爛煎溫服仍將菊花根爲末貼瘡上自消或不
消瘡口亦自破係前用藥劑

又方以手仰置肩上微舉肘取之肘骨尖上是穴隨患處左即灸左右
即灸右艾炷如小筋頭大再灸如前不過三次永無恙所感稍深三
灸平安

又方以蒜片貼着癰上灸七壯如蒜熟易蒜多灸取效
治項後生疔疽不論大小及日月深遠或有赤硬腫痛用生山藥一挺去

皮草麻子二個研勻攤帛上貼之如神效

治瘡癰凡皮膚或頭上生瘡大者如拳小者如粟或軟或硬不疼不痛者
用大南星一枚細研稠粘用米醋五七滴爲膏如無生者用乾者爲
末醋調如膏先將小針刺患處令氣透却以藥膏攤紙上象瘡大小
貼之

又方治瘡癰兼去鼠竈痔用芫花根淨洗帶濕不得犯鐵器於木石器
中搗取汁用線一條浸半日或一宿以線繫瘡經宿即落如未落再
換一二次日自落後以龍骨調子末傳瘡口即合用之累效如無根只
用化泡濃水以浸線

又方用蜘蛛絲勒瘡子根三二日自然退落

治反花瘡用馬齒莧一斤燒灰研細豬脂調傳

治瘡癰用黃蠟煉攤冬青葉上貼縛定日遇又換一葉至七日換七葉愈
又方用黃蠟溶化油紙攤成膏藥十二個半日一換換時以先貼者加
其上不待盡而愈

又方用韭菜地上蚯蚓泥乾爲末入輕粉清油調傳

又方用白墻土不拘多少火煨通赤研細生油好粉調塗或用真百藥
煎壞之或以五倍子末搽之亦妙

治冷瘡瘡用鹿角灰髮灰乳香爲末清油調傳

又方治瘡瘡成日累月不乾用上等好砂糖先用鹽湯淋洗後絹帛拭
乾以津唾塗却以此傳上三日愈

治外瘡生瘡臭穢潰爛數年不愈者用生龜一個烏者打死去肉取壳酸
醋一碗炙醋盡爲度仍煨令白煙盡須存性碗合地上一宿出火氣
入輕粉麝香拌勻先以葱湯洗拭乾方用藥敷

治脚脛骨上生瘡久爛黑或發孔或臭穢不可近用蠅蟬十條小竹篾穿
定瓦上焙乾爲末真清油調傳神效

又方用多年老杉木節燒灰真清油調箸葉盛隔貼瘡上以絹帛札定
不數貼而愈

治脚肚生瘡初如粟米漸大爪搔不已成餅包脚相交黃水出痒不可忍

久疾難愈用百藥煎研細津嚙調逐遭塗傳自外而入先以貫仲煎
湯淋洗後用藥

又方用石榴皮濃煎稍冷掃瘡上冷如冰即成痂

又方用鱈魚一條黃色者先將打死却用清油塗其腹置瘡上盤屈令
爾用帛絹繫定食頃覺瘡痛不可忍然後取鱈魚腹下有數如針眼
大皆虫也如米盡再用一條依前再縛虫去盡却用死人脚脛骨燒
灰清油調傳或以骨灰一兩入好茶末二錢同調亦可

又方治足上瘡臭穢潰爛用藍子一枚燒爲末入膩粉少許井水調塗
效

又方治瘡瘡并搭手發背等瘡用葱白一斤石灰二斤馬齒莧一斤三
味搗搗同團陰乾爲末貼瘡上效

治一切腫毒初生用芋根葱頭生薑炒小粉赤豆同搗碎頓熱卷上冷再
換

又方治卒得惡瘡不識者用桃皮爲末納瘡中

又方治毒腫無頭者蛇用蛻貼於腫處

治惡瘡無頭用皂角刺燒灰陰乾爲末酒調三錢傳

治一切惡瘡不收口用瓦松不拘多少陰乾爲末先用槐枝葱白湯洗過
搽之立效久不收者更效

治諸惡瘡中新肉肉出用烏梅肉蜜和搗作餅子如錢厚貼瘡上

治諸瘡因皮水腫者用生白礬末水調塗之自消

治一切腫毒瘡用臘桑葉爲末以新汲水調塗之如有膿乾搽在上如在
腳膝傳了用帛裹之

治多年惡瘡用冬瓜葉陰乾瓦上焙研細搽瘡濕處或用多年石灰研細
雞子清調成塊火煨過候冷再爲末薑汁調傳或用枸杞根爲末鹽

洗淨乾搽

又方用馬齒莧搗爛傳之亦治翻花瘡其形如花開之狀燒灰猪脂調
傳

又方用鷄腸草研細取汁敷其瘡以渣罨之或爲末以猪脂調傳甚效

又方以天茄葉貼之或爲細末貼亦妙

又方以蒲公英搗如泥貼一切惡瘡并蛇傷

又方用野葡萄根紅者去粗皮爲末新水調塗腫上頻搽新水

治髮邊生軟癰名發鬢有膿年不愈者用猪頭上毛貓頭上毛各一撮燒
灰猪鼠屎一粒爲末以清油調傳

治遍身熱毒瘡痛而不痒手足尤甚粘着衣被夜不得睡用葛蒲爲末多
鋪於薦上使病者恣臥其間仍以衣被覆之五七日愈疹瘡爛用艾

鋪亦可

治遍身癢疥痛瘡用白薑一兩炒黃色爲末分四分酒調服

又方用明礬朴硝爲末井水調雞羽掃傳上

又方用蠶沙以新水煎無風室內溫洗效

治遍身白疹癢痒不止用小枸橘不拘多少切作片麩皮炒黃爲末每服
二錢酒浸少時去枸橘但飲酒仍以枸橘煎湯洗患處妙

治三十六種風結瘡用馬齒莧五斤黃蠟三兩水一鍋煎成膏傳上

救急良方

治五般瘡癰用葦根燒存性旋搗末猪脂調傳

治諸瘡用葦葉不拘多少先燒熱湯以盆盛上用板蓋之留一竅却以葦
葉於湯內泡之以冀門坐竅上令氣蒸候溫用葦葉軟軟洗瘡數
日自下或荒花煎洗

治面上生瘡用枇杷葉布擦去毛炙乾爲末食後茶湯調下二錢

又方用鐵子底黑煤入於小油內以七打成膏子攤在紙上貼之

治人面卒得赤黑丹如疥狀不急治遍身即死用鹿角燒灰猪脂和塗上

治腮腫用赤小豆爲末醋調傳之立效

治人面瘡用貝母爲末小蘆筒灌瘡口數日愈

治疥瘡用猪肚二個放皂莢同煮熟去皂莢食之妙

又方治善惡疥瘡或赤腫者用赤小豆四十九粒爲末以苧根搗爛和
之傳赤腫處及四傍落則再傳或用赤小豆剉散每服二錢水一盞
煎服尤佳

治火氣入瘡用黃柏皮爲末搽之或薄荷煎塗亦可餘針血出盡煎鹽湯

洗之未愈再針再洗

治狗癬瘡用柏油不拘多少鐵器內熬次下鷄鵝糞雞糞細末同和加香
油少許擦之

治紫白癰風用莖菜根同白礬五倍子無名異和醋搗碎先以苧麻刮熱
以藥擦之三四次絕根

又方治白紫癰風及諸風癢癢瘡名蒼耳丸五月五日割取蒼耳草葉
洗淨晒乾爲末煉蜜丸如梧桐子大每服十九丸日三服若身體有風
處或如麻豆粒此爲風毒出也可以針刺黃汁出盡乃止

又方用乾浮萍四兩漢防已三錢同煎湯熱洗白癰風一切癢疹疥癬
神效

治艾火帶用白鯉泥炒研細香油調傳之

又方雄雞毛及鷄毛燒灰傳之

治下部生濕瘡熱痒而痛寒熱大小便澀食亦減身面微腫用馬齒莧四
兩研爛入青黛一兩再研勻傳上

六八七

又方用紅椒開口者七粒連根葱白七個同煮水治白禿瘡用慈竹上虫兒不拘多少研用牛尿調搽先洗刺去瘡後上藥

又方用甜瓜蔓龍頭不拘多少河水浸一宿以砂鍋熬取極苦汁濾去瓜蔓以火熬成膏盛於磁器中先刺頭去盡瘡痂使血出盡以河水洗淨却用瓜蔓膏一盞加半夏末二錢生薑汁二匙狗膽一個同調傳不過二三次立愈忌猪魚動風之物

又方用羊糞熬湯洗去瘡屋懸煤炒為末油調傳瘡上

又方用破舊硃紅漆器剝漆燒灰油粉調傳

又方用鯽魚一個重三四兩者去腸肚以亂髮填滿濕紙裏燒存性雄黃二錢共為末清油調傳先以鹽水洗拭後用藥

又方治大人小兒禿瘡及惡瘡用苦楝皮燒灰以猪脂調傳

治癬用午時取槐葉研汁傳之或用茺菰酸醋磨傳

又方用鏃針磨令極尖快當痒時於癬上各刺百洗淨用絹衣泡乾即愈

治陰痒汗出疼痛用生大豆嚼碎一日三四次傳上

治陰瘡用桑樹根白皮搗汁洗之

又方用胭脂豆粉研勻傳之

又方用臘茶五倍子等分臘粉少許傳之

治陰囊上生瘡用甘草湯煎湯溫洗却用臘茶末傳

治陰頭生瘡用溪港中螺蚌大乾鍋內煨過先以鹽水洗五七次後以此藥之

治妬精瘡用大田螺兩個和殼煨過存性為末入輕粉搽患處即安

治外腎生瘡用豇豆粉一分蚯蚓屎二分水研塗乾又傳

治腎臟風發瘡疥紅椒去目水浸半日和生杏仁研爛擦兩手掌按外腎極效

治下疳瘡用白礬一兩黃丹八錢熬飛紫色研為末以清渠中惡水洗過拭乾傳上

又方用五倍子為末以漿水洗乾貼之

治漏瘡惡水自大腸出用黑牽牛研細去皮細末分入猪腰子內以線扎

青荷葉包火煨熟細嚼溫鹽酒下

治漏瘡肛門周匝有乳數十諸藥不效用熱大肉蘸濃藍汁空心食之七日自安

又方用信石新瓦上火煨為末以末以津液潤紙探子蘸少許搽入瘡孔內如瘡多不可齊上免使害人

治久冷漏瘡用活鱧魚五六條擲地以竹針貫之覆瘡良久當有虫出如線復之使盡用檳榔黃連末傳明日以乾艾作湯投白礬三三錢洗不一月全愈

治脫肛用蠟頭一枚燒煙盡為末傳肛門上就將舊麻鞋底按入即不出

又方用檳榔葉煎湯燻洗後以生五倍子白礬等分為末傳上

雜方第三十七

治骨鯁用野苧根搗爛丸如龍眼大魚骨鯁魚湯化下雞骨鯁雞湯化下

又方用戴靈仙五錢宿砂三錢甘草二錢水一鍾煎至四分入口噙漱入喉呵氣即愈

又方以橄欖食即下無則核搗為末用流水調下

又方用雞爪於咽喉外爬之即下

又方用穀樹子泡湯嚥下骨自消

又方用金鳳花子嚼爛嚥下無子用根亦可

又方用葶藶根不拘多少以好米醋浸一二日曬乾為末醋糊為丸如梧桐子大每服一丸或二丸半茶半湯下如要吐用砂糖銅青為末半七滴油一二點同茶湯調服即吐出原物如藥性來遲令患人兩手伏地用清一盞以雞翎口攪探即吐

又方治魚骨鯁用砂糖白炭皮末紫蘇葉滑石末和丸含口中津液嚥下骨自隨下

又方用宿砂甘草等分為末以棉裹少許噙之旋旋嚥津久之隨痰吐

出

又方治獸骨便用象牙梳磨水嚥下或以桑木上虫屑末醋煎灌漱自下

又方用皂角末吹入鼻中令涕出

治誤吞針類用木炭燒紅急搗灰米湯調下三兩盃或用熟艾煮濃汁飲便解

又方治吞針并釣了魚骨雜物須多食諸般肥食自然裹出若吞稻麥芒於咽喉間急取雞白涎水嚥之

治誤吞竹木不得出用舊鋸子燒赤投酒中熱飲

治誤吞金銀或銅錢入腹用石灰一杏核大硫黃一皂角子大同研末酒調服

又方用肥猪肉與葵菜作羹煮數頓則銅鐵自然下

又方誤吞銅錢用桑柴灰細研米飲調下二錢或用蕒豆粉冷水調下三錢或茨菇取汁呷或濃煎艾湯飲或多服飴糖立效

治針刺折在肉中用瓜蔓根搗爛傳上一日換三次自出

又方用車脂攤紙上如錢許貼上二日一換三四次其針自出

治竹木簦刺入肉用牛膝草根嚼嚥之即出

又方以象牙屑傳之或以白梅肉傳之立效

又方用羊糞為末水調塗刺上候疼搔之刺自出或嚼栗子傳之亦妙

治手指頭腫用烏梅搗碎去核肉只取仁研米醋調入潰之自愈

治脚指縫爛用雞掌黃皮燒存性為末搽之

治指縫癢痒成瘡有發出血不止用多年舊桶箍燒灰傳

治脚汗出用白礬乾葛煎湯洗效

治遠行脚上打損用雞草燒錢鏤和飯粘研成膏貼之用紙封之若打泡

用油線穿過兩頭剪斷亦用錢鏤飯粘貼之

治遠行脚心腫痛用蚯蚓泥傳腫處高闊起脚一夕即愈

治杖瘡用黍米燒灰和油塗止痛不作癢黍米不可與小兒食不能行緩

筋骨令人好睡亦不得和牛肉食生寸白虫

又方杖舉飲童便和酒免血攻心用熟豆腐鋪在杖紫去處其氣如蒸其腐即紫復以熱豆腐鋪之以紫肉散盡淡紅為度

又方用五倍子去麤米醋浸一日慢火炒黃為末乾搽不破腫痛者以醋調傳

又方用雄黃二分無名異一分細研水傳極妙

又方用水粉一兩赤石脂一錢生用水銀一分以麻油拌成膏攤傘紙上貼之緊縛如肉陷者用此膏填滿然後貼上立效

又方若腫痛用六黃黃連黃蘗黃芩各三錢乳香沒藥各一錢別研腦子少許為末冷水調勻攤絹上貼之

又方若瘡熱毒疼痛用黃丹一兩蜜陀僧五錢輕粉一錢半麝香五分龍腦一字為末搽瘡上以青帛蒙之中留一竅

又方用蠶出繭殼燒灰存性為末每服三錢酒調下其妙

治湯火燒用多年廟上獸頭為末小油調傳之效

又方用桐油塗上或土硫磨傳之

又方水調銀硃傳之

又方用麻油浸黃蜀葵花傳之

又方用擗猪毛燒灰香油擦患處

又方用蠟蠟殼多年乾白者火煨過為末如瘡破乾搽如不破清油調傳

又方用雞子黃熟去白用黃於鍋內熬油出冷傳之

又方用山梔子濃調雞子清以雞毛輕拂上

又方用側柏葉燒存性為末雞子清調傳

又方用醋調泥傳之或以生柏葉搗爛傳或用乾桑葉為末乾者蜜調

傳濕者乾搽或用鹽搽上用手按之或以豆醬塗之

又方治向火多生炙斑瘡有汁用黃蘗荷葉為末搽之

治凍瘡用茄根濃煎湯洗以雀兒腦塗之

又方用掌雞黃皮焙乾燒灰存性為末溫則搽之

地上

又方手足凍裂用白灰不拘多少為末調傳裂處

又方用五倍子為末同牛骨髓填縫內即安

又方用頭髮一大握桐油一碗於瓦器內熬候油沸頭髮溶爛出火攤以瓦器收貯不令灰入每用百沸湯泡洗敷裂今軟拭乾傳之即安

一方加水粉

治冬月手足開裂用清油半兩以慢火煎沸入黃臘一塊同煎候溶入光粉五倍子末少許熬令稠紫色為度先以熱湯洗火上烘乾即用藥傳薄紙貼之

又方用五倍子為末和牛鼻繩末填縫內即自愈

又方治手足開裂經春夏不愈者用生薑汁紅糟鹽同蠟月諸膏研爛熱擦入數內一時雖痛少頃便軟敷合再用即安

又方用濃香二兩黃蠟一兩共熱攪勻瓦罐盛貯先以熱湯洗令皮軟拭乾將藥於慢火炙溶傳之

治酒渣鼻用白鹽常擦為妙

治鼻瘡用杏仁研乳汁和傳或以烏牛耳垢傳

治癩子痛痒用淨水搗楊柳青蒿汁調蛤粉傳雪水尤妙

治漆毒成瘡用磨鐵槽中泥塗之或以蟹黃塗之愈

治癰疽出醫用桑柴灰汁熬成膏草荳刺破以新水沃之忌油膩等物

治蛙餘瘡用黑油傘紙燒灰合地上一宿出火氣傳瘡上便結醫效

婦人第三十八

治婦人月水不通用鼠糞燒灰一錢為末熱酒調下

治婦人血氣不行上氣衝心用絲瓜蒂一個燒灰空心酒調每服一個

治婦人血崩用槐角燒灰為末每服二錢酒調下效

又方用靈砂不拘多少為末每服五錢熱酒調服

治婦人血崩不止用槐花二兩棕毛燒灰五錢水煎入鹽少許空心服或

以烏梅燒灰烏梅湯下

又方用蓮蓬壳燒存性酒服方寸七

又方用血蠅草為末姜酒調服一服而愈血蠅草生於磚縫井頭少在

又方用鹽梅七個燒為末空心米飲服

又方用槐花一兩雜草燒鏽五錢為末燒紅秤鍾淬酒下

又方治血崩不止用白匾豆花焙乾為末紫者不用炒米黃湯入炒鹽少許空心數服即效

又方用棕櫚皮絲瓜蒂燒灰等分為末鹽酒或鹽湯下效

又方治血崩用野紅花取根洗淨研汁半盞以溫酒半盞和服立止

治婦人白帶下用好酒同艾葉不拘多少煮雞卵熟空心只食雞卵

治婦人赤白帶下用酸石榴五枚連皮搗攪汁每服半盞空心下

又方用石榴東引根二把煮汁服

治婦人六十二種風及腹中血氣刺痛用紅花二兩酒二盞煎八分溫服

治婦人血風攻腦旋倒地不知人事用蒼耳草心不拘多少陰乾為末不時鹽湯服一錢效

治婦人麻痺悲傷欲哭像鬼神所附者用小麥一升甘草二兩大棗五兩

每服一兩水二盞煎一盞服

治婦人自哭自笑用紅棗燒存性米飲調下

治婦人乳癰用赤小豆三合酒研爛去渣溫服留渣傳患處

又方治乳癰爛見心者用貓兒腹下毛乾鍋內煨存性為末乾搽或清油調入輕粉少許傳之

又方用皂莢刺燒灰和海蛤粉為末熱酒調下揉散亦可

又方用銀杏半斤四兩用酒研服四兩水研傳癰上

又方用黃瓜蠶二個連皮穰子切碎以無灰酒一碗於瓶內煮半碗去渣時時溫服酒盡再煮服初時便服此藥即時痛止更不成瘡如

已成瘡服之其瘡自穿而痛止

又方治乳上癰覺硬腫作痛以葱早熨之其法用同樣闊口瓶以炭入瓶內上以熱灰填滿瓶口用葱葉及葱白搗損令偏覆瓶口以手怕

裏瓶倒執將瓶口向腫處任意輕熨之有驗

又方治乳癰將潰以小長罐燒紙錢在內急以罐口安乳上盡吸其毒

氣

治婦人吹乳極效。用百齒霜即木梳上不拘多少用無根水為丸即吊桶反覆出者是也。

如雞頭大日服二三丸。倒流水吞之。服後令病人左臥。右乳

者右臥於無風溫熱處。臥汗出效。取調流水法用新汲水傾屋上接之

又方以橘皮燒灰存性。食後熱酒調下二錢。

治婦人乳硬作痛。用嫩桑葉左採研細。米飲調。攤紙花貼病處。此證四十

以下可治五十以上不可治。治之則死。不治則得終天年。

治婦人乳頭裂。取秋後冷露。茄子裂開者。陰乾燒存性。為末。水調。傳未秋

時但裂開者亦可。

治婦人血塊痛。用牛膝草根酒煮服效。

治婦人癰塊。用小便服之。每日溫服一盞。至二十日血片下即差。

又方醋煎大黃生者服之甚效。

治孕婦咳嗽。用貝母去心。麝皮炒令黃。去麝皮。為末。研砂糖拌勻。丸如雞

頭大。含化一丸。神效。

治婦人胎漏。用葱白一把。濃煮汁飲之。甚效。

治婦人胎漏下血。手足厥冷。欲死。用生艾汁二盞。牛皮膠白蜜各二兩。煎

一盞。半稍熱服之。無生艾。濃煎乾艾一方。加刮下竹青一大把。同煎

治婦人因爭鬥或跌撲。從高墜下。或為重物壓。動胎氣。腹痛下血。服此

後覺胎動極熱。胎氣已安。用宿砂不拘多少。於熨斗內炒令熱透。去

皮。取仁研為末。每服二錢。熱酒調下。不飲酒煎艾鹽湯或米飲下。

又方用芋根一把。洗淨生薑五片。煎調粥服之。效。

治孕婦忽腹絞痛。用葵子十四枚。燒焦為末。童便調服。

又方用鹽一合。燒赤。以指撮酒中調服。

治孕婦兒在腹中。哭用多年空屋下鼠穴中泥一塊。令孕婦嚙之。即住一

方川黃連煎汁。令母呷之。

治婦人胎前產後赤白痢。用敗龜板一箇。醋炙。搗為末。米飲調下。

救急良方

八分入蒲黃三錢。煎五七沸。空心溫服。效。

又方治懷胎下赤白痢。絞刺疼痛。用鷄子一個。烏者尤妙。稍頭作一錢

子。傾出青者。留黃在內。黃丹一錢。入前雞子殼內。打令相勻。以厚紙

裹黃泥。固住火上炙熟。焙乾。為末。每服二錢。米飲調下。一服愈。者是

男二服愈。者是女奇效。

治婦人難產。或橫生。或孕婦下血。或脹滿。用鐵秤錘燒赤。投酒中飲之。

又方治難產。用清油一盞。水一盞。對和。用銀簪打和。飲之。

又方用鳳仙子二錢。研碎。水下。

又方用黃蜀葵子二錢。同鳳仙子並服。

又方用黃蜀葵子七十粒。搗碎。酒調服。

又方用雷蛇紙半張。燒灰。白湯調下。

又方用香白芷。雞草。燒。雞絲。各等分。為末。每服二錢。童便米醋各半。呷

沸湯。燒入六七分。點眼。見效。其速。再服。即分娩。矣。或用蜀葵子四十

九粒。白滑石末三錢。順流水煎湯。調空心二服。如人行五里。即下。

又方治生產五七日不下。垂死者。及矮石女。交骨用川芎。當歸各一兩

自死。乾龜殼一個。酥炙。黃男女頭髮一握。燒存性。共為末。每服三錢

水半鍾。煎服。約人行五里。生胎。死胎。俱下。無自死。龜殼用鑽過。廢殼

亦可。

又方應急催生。用滑油同蜜等分。少許。湯調。頓服。

又方蜀葵子炒為末。順流水溫。暖調服。亦下死胎。又好京墨。新汲水。濃

磨服之。墨水裏兒出。效。又敗筆頭二個。燒灰。以藕節研。自然汁。溫酒

調下。效。又產婦坐時。取路傍草鞋一隻。用鼻絡小耳繩。燒灰。溫酒

調服。如得左足者。男。右足者。女。覆者。兒死。側者。兒驚。催生。極驗。

又方催生。用草麻子研。傳產婦手。足心。產後速拭去。或以兩手各執一

杖。立下。

又方治難產。久氣力乏。不能生。兼惡露盡。出乾不能產者。用赤小豆二

升。以水九升。煮熱。取汁入。泡過。明阿膠一兩。同煎。少時一服。如未效

再服。不過三四服。即產。

治婦人逆生倒產用草麻子三十粒研爛婦人頂上剃去髮少塗之須臾覺腹提正便刮去却於脚心塗之自然順生

又方治逆生須臾不救母子俱亡用蛇蛻一條蟬蛻十四個頭髮一握並燒為灰每服二錢溫酒調併進二服仰臥雲時兒即順生

又方用小絹針於兒脚心刺三五七刺用鹽少許擦刺處即時順生母子俱活

又方用槐子二七粒并花水吞下

又方治橫逆不順手足先出或子死腹中用竈中心對鍋底土細研每服一錢酒調下兒頭戴出妙更用擦產母臍中亦妙或用兔絲子末車前子米酒調下

又方治橫生逆產諸藥不救但灸右脚小指尖頭二壯艾狀如小麥大下火立產

治子死腹中口中屎臭舌青口出冷氣指甲青用瓜蒌根為末逆流水調五錢服

又方用灶中心對鍋底土三錢水調下又治產後惡物不下上攻心痛

又方先用平胃散一貼作兩服每服酒水各一鍾同煎至一鍾却投朴硝半兩研細再煎三五沸傾出候微溫服盡其胎即化血水而下

又方下死胎用麝香半錢另研官桂末三錢和勻作一服溫酒調下須臾如手推下未效再服

又方治子死胎不下胞破不生用鬼臼不拘多少黃色者去毛研為細末如粉不用羅以指擦之每服二錢用無灰酒一盞同煎至八分通口服立生如神

又方治難產胞衣不下及兒死腹中欲絕者用白飲半夏各一兩為末酒服一錢若難產只一服橫生二服倒則三服兒死四服效

治產婦胞衣不下用草麻子十四粒去殼搗爛以白麵和成膏貼脚心胞衣下速拭洗去如腸出即以此藥塗頂心回腸神效

又方治胎衣不下惡血滯心其證心頭迷悶胎衣上逆衝心須臾不治其母即亡用乾漆五錢末大附子一枚泡去皮膜為末用大黃末五錢酒醋熬乾即

入前二味為丸如梧桐子大每服三十丸淡醋湯吞下須臾又進二服胎衣立下此藥可預先合下

又方用赤小豆一升炒過用水三升煮二升去豆取汁溫服胎衣立下又方用婦人自己手足指甲燒灰酒調服須臾又進一服更令有力婦人抱起將竹筒於心上趕下妙

治產後血暈心悶氣絕腹內惡血不盡絞痛用紅花酒煎服或以藕汁二碗飲之

又方用松煙墨二錢火煨通紅窖滅火氣為末半匙溫酒調下京墨亦可

又方用舊漆器燒微烟逼面燻之

又方用韭菜切碎入茶瓶中以老米醋沸熱澆之紙密封瓶口勿令泄氣以瓶小嘴向產婦口鼻燻之立醒

又方用半夏末少許吹入鼻中

治產後下血不止用雞草燒鐵鏽二錢為末酒調服

又方用乾艾半兩生薑半兩濃煎湯服

治產後子腸出不能收者用枳殼去穢三兩煎湯溫浸良久即入

又方用老鴉酸漿草一把煎湯燒燠可收一半稍溫下手洗並收而安治產後惡物不出上攻心痛用竈中心對鍋底焦土研細酒調三五錢瀉出惡物立效

治產後泄瀉惡露不下用大刺芥四五穗於蓋內用火燒成灰不得犯油火入麝香少許研津湯一二呷調下

治產後腹脹痛不可忍黃鼠粘根為飲一服愈

治乳婦乳汁不下用母豬蹄爪一隻帶葱五莖同鹽酒煮飲之不下再煮飲仍用梳頭木梳於乳上梳下效

又方用土瓜根為末酒調服

又方用胡蜂窠一個炒為末酒調服

治胎前產後諸症名濟陰返魂丹一名益母丸只益草一味其草即莨蔚子其葉類大麻對節而生方梗四面四五月間節節開紫花南北

諸處有之此草生二種白花者不是於端午小暑或六月六日花正開時連根收採透風處陰乾用時不犯銅鐵器以石臼搗羅爲細末每服一丸各照後開湯使下若量加木香全當歸赤芍藥尤妙其藥不限丸數以病愈爲度日服三五丸或丸如梧桐子大每服五七十丸熬膏尤佳治法其後熬膏法益母草不限多少依前法採連根葉葉洗淨用石臼搗爛以麻布濾取濃汁入砂鍋內以文武火熬成膏如黑砂糖色爲度入磁罐內收貯每服用一茶匙極妙胎前臍腹刺痛胎動不安下血不止水煎藥其糯米湯下或當歸湯亦可胎前產後臍腹作痛作聲或寒熱往來狀如瘧疾者俱溫米湯下臨產并產後各先用一丸童便酒化下安魂定魄血氣自然調順諸病不生又能破血痛養脈息調經絡功效不能盡述產後胎衣不下落在胞中及產後一切難產橫生不順子死經日不下脹滿腹中心悶心痛炒鹽湯下產後中風牙關緊急半身不遂失音不語童便無灰酒各半下產後氣喘咳嗽胸膈不利惡心口吐酸水面目

浮腫兩脇疼痛舉動失力者溫酒下產後兩太陽穴痛呵欠心虛氣短肌體羸瘦不思飲食血風身熱手足頑麻百節疼痛溫米飲下產後眼前黑暗血暈血熱口渴煩悶如見鬼神狂言不省人事薄荷自然汁下如無生者濃煎乾薄荷湯下或童便酒各半下產後面垢顏赤五心煩熱或結成血塊腹臍疼痛時發寒有冷汗者童便酒各半下或溫薄荷湯下產後餘血惡不盡結滯腹臍刺痛惡物上冲心胸滿悶童便溫酒各半下產後未經滿月血氣不通咳嗽四肢無力臨睡自汗不止月水不調久而不治則爲骨蒸之疾童便酒各半下產後鼻衄口乾舌黑童便酒下產後大小便不通煩燥口苦者薄荷自然汁下如無生者濃煎乾薄荷湯下產後痢疾米湯下產後瀉血水煎藥湯下產後赤白帶下煎膠艾湯下血崩漏下糯米湯下勒奶痛或成癰爲末水調塗乳上一宿自差或生搗爛傳上亦可婦人久無子息溫酒下一丸服至一月決有效驗

救急良方

治小兒第三十九

男初生口中有惡物穢生不候聲出急用軟帛或綿裹手指蘸黃連甘草汁拭口中惡汁稍定更以蜜少許調硃砂一字抹入口中鎮心安神解惡物之毒一生免瘡痘之患此藥妊婦臨月宜預辦之

治小兒生下即死緊看見口中懸癰在脰上有泡以手指摘破用綿裹指拭血令淨若血入喉即不可活

治小兒初生氣絕不能啼者必是難產或胃寒所致急以綿絮包裹抱懷中未可斷臍帶且將胞衣置炭火爐中燒之仍作大紙燃蘸油點火著臍帶上往來燎之更以熱醋湯盪洗臍帶須臾氣回啼哭如常方可洗浴了却斷臍帶

治小兒初生大小便不通腹脹欲絕者急令婦人以溫水漱口吸嘔兒前後項心并臍下手足共七處每一處吮三五次漱口吸嘔取紅赤爲度須臾自通不爾無生意有此證遇此法可謂再生

治小兒初生遍身無皮但是紅肉宜速以早米粉乾撲候生皮方止

治小兒臍腫先用荊芥水洗了葱葉一片火上炙過地上出火氣以指甲刮臍內搭放腫處次日便消

治小兒面目黃赤氣急喘急喘聲不出舌強唇青撮口皺面飲乳有妨用白薑二枚去嘴略炒爲末蜜調傳唇中

治小兒初生不飲乳及不大小便用葱白二寸破作四界以乳汁於砂鉢內煎灌之立效

治小兒吐乳田中蚯蚓泥爲末米飲調下

治小兒初生口噤不開用赤足蜈蚣一條去足炙令焦細研爲末每用半錢以豬乳汁半盞和勻分三四次灌之

治小兒吐不定用五倍子二箇一生一熟甘草一根用濕紙裹煨共爲末米汁調半錢

治小兒重舌急證用指去爪先於舌下筋上擦至根漸深擦入如此三次又以指蘸水取項後燕窩小窟中筋自上趕下至小窟深深擦入亦

三次小兒若飲乳勝前則病去矣

又方用針刺出血即愈

又方治小兒木舌用黃蜀葵花研細黃丹半之同研點七次

治小兒鵝口不能乳用地雞研水塗地雞即扁虫人家磚中多有之（疑是赤水虫）

治小兒口瘡用吳茱萸末醋調貼兩脚心移夜即愈

又方用生白礬爲末水調攤紙上貼脚心方帖上再以水濕之

治小兒牙疳用白礬成於五倍子內合燒過爲末傳

治小兒諸熱驚癇用青黛水研服

又方用蜂窠大者水煮浴兒三四次

治小兒卒驚似有痛處而不知用雄雞血滴兒口中

又方用燕窠中糞煎湯洗浴

又方治小兒驚啼用亂髮燒灰酒調服

治小兒夜啼燈草燒灰傳乳上與喫燈花尤妙

治小兒喫黃土用乾黃土研細濃煎黃連和爲餅服

治小兒寸白虫用酸石榴東引根二兩糯米三十粒水一碗煎空心服須

泄瀉神效

治小兒頭上瘡及浸淫瘡并急疳瘡用芝麻生嚼塗

治小兒甜瘡多生於面部兩耳前令母口中嚼白米成膏子隨臥塗之不

過三五次愈

治小兒眉煉頭瘡用小麥不拘多少燒令黑色存性爲末以小油調傳之

又方用針刺出血一刺不愈再刺之三刺則愈矣

治小兒火丹從背上起頭上起者用慎火草搗汁傳上慎火草

又方用針刺紅處出血或用寒水石爲末油調傳之效

治小兒胭脂火丹用草麻子去皮研爛并綉鐵磨水於紅處周圍圍之候

乾再隨處圍塗之

治小兒丹毒用竈中對鍋底焦土研細以新汲水調塗乾即易之效

治小兒痘疹要方名兔血丸臘月八日採生兔一隻取血以膏調和之少

加雄黃四五分候乾成餅凡初生小兒三日後如菰豆大者與二三丸乳汁送下遍身發出紅點是其徵驗有終身不出痘疹者雖出亦不其稠密也嬰兒已長成會飲食者就以兔肉啖之尤妙或云不必八日但臘月兔亦可然終不若八月八日爲佳也

治小兒痘疹出不透腹痛甚或黑癰者用蟬蛻一十五個去翅足淨洗爲末每服一錢熱水調下腹痛立止而出透乳母亦可服一錢

又方用乾菜穗爲細末湯點服立見出透紅活荔枝殼煎湯服亦可

治小兒痘疹陷入不發黑色氣欲絕用川山甲湯洗淨炒令焦黃爲末每服半錢紫蘇煎湯入老酒少許服之

又方治痘疹倒陷用臘月內收人中白即馬槽內放通風處以火煨成煤水調三五錢服

又方用胡桃一個燒存性乾胭脂三錢爲末用胡荽煎酒調下一錢

治小兒痘疹初出光壯忽然黑陷心煩燥急氣喘妄語如見鬼神用人牙齒燒存性爲末每個作一服酒調下

治小兒痘疹入眼或病後生翳障用蟬蛻洗淨去土白菊花各等分爲散每服二錢入蜜少許水一盞煎乳食後量兒大小與服之屢驗

又方用兒子屎焙乾爲末茶調下痘疹安後方可多服仍治昏翳

治痘疹入眼痛楚恐傷眼睛用浮萍陰乾爲末每服三錢隨兒大小以羊子肝半個入鹽內以竹簍刺碎爛投水半合攪取汁調下食後服不

甚者一錢差已傷目者十服差

治小兒痘疹爛成片用黃牛屎乾傳膜多痛甚者乾淨黃土傳之瘡口

中不能食者蜜浸黃柏取汁噴之凡瘡欲成痂類以豬油乳酥清蜜

潤之可揭即揭出血無害若乾硬已久又成癰瘻

治小兒痘疹肥極成瘻膿血淋漓用多年蓋屋爛草或舊墳草不拘多少

晒乾爲末乾搽無時若渾身瘻破膿血不絕粘沾衣服難以坐臥可

多用攤於席上令兒坐臥即乾

治小兒痘疹出後有餘瘻瘻鼻中不能睡起用木鑲花研爲末加麝香少許葱白藥入鼻中數次通

治小兒痘瘡愈後瘡痂雖落其色黯或凸或凹用白蜜不拘多少塗於瘡上其痂易落且無疤痕亦不腥穢

治小兒痘瘡後身體及肢節上生癰蝕瘡膿水不乾用出蠟蟻絲繭不拘多少用白礬鎚碎塞入瘡內令滿以炭火燒煨白礬汁乾取出研細乾搗瘡上若不早治則潰筋骨以致難治

治小兒客忤口吐青黃白沫水穀鮮進面色變易喘急腹痛狀似驚癇但哭不止視其口中懸蠶左右若有小小腫核即以竹針刺破之或以指爪甲爬破急以醋炭降其香皂焚燒燻又以蠟中封鍋底焦土蚯蚓糞各等分爲末水調塗頭上及五心敷之

治小兒腦後項邊有核如瘰癧狀按之轉動軟而不疼名附骨瘡瘻兼治諸瘡一服虛熱退二服渴止三服瘡癰止用蟾蜍一枚又名蟾蜍夏月蟾多者是取蟾缸內蛆虫一杓置桶中以尿浸之桶上要蓋不與蛆走將蟾蜍殺之放在虫中任與虫食一日夜次以新布袋盛包緊

定置之急水浸一宿取出瓦上焙爲末入麝香一字梗米飯揉丸如麻子大每服二十九米飲下

治附骨瘡項後有核其間有虫如米粉不速破之則虫流散蝕臟腑以致肢體作癢瘡便利濃血虛熱羸瘦氣血虛應治法刺破其核膏藥貼之則愈

治小兒久患肝熱體虛不食及病後天柱骨倒用白薑蜜爲末三年兒半錢薄荷酒調下

治小兒疳後虛熱小便腫用韭菜地上蚯蚓屎火煨以碗合地上出火氣爲末清油調傳

治小兒無毒遊腫用破草鞋亂髮燒灰醋調傳上

治小兒月蝕耳疳瘡用胡粉和東方璧土爲末傳

又方用蝦蟆燒存性爲末豬脂調傳

治小兒口角爛瘡用亂髮燒灰爲細末豬脂和傳燕窩泥亦妙

治小兒耳邊鼻下赤爛用黃丹二錢煨令赤色燕豆粉一錢白礬一錢飛

救急良方

通研細乾傳瘡上唾調亦可

治小兒本得瘡瘡用赤爛牛糞燒灰研細傳上

治小兒頭門陷下不平滿用黃狗頭骨炙黃爲末雞子清調傳

治小兒頭骨縫開不合名曰解顱用蛇蛻炒焦爲末用豬頰骨中髓調傳頂上日三四次

又方用鹽頭骨不拘多少燒灰研細以清油調傳頭縫中

治小兒牙齒不生用雄鼠糞二十一粒兩頭尖者是也每日用一粒搗齒根上至二十二粒當生

治小兒頭上軟癰用大枳殼一枚去穢令空磨令平口以稠麵糊搽四層粘在癰上自破膿溜出盡更無癰痕

又方用枯白礬爲末清油調傳亦效

又方用桃樹上不落乾桃子燒灰清油調傳

又方用桃子切半個看瘡大小剝空週圍并調生麵糊塗貼

治小兒脫肛用草麻子四十粒研爛水調作膏藥貼頂上立效

又方用葱湯洗令軟芭蕉葉托上

又方用浮萍草不拘多少杵爲細末乾貼患處

又方用新磚一片燒紅以醋澆之即用脚布疊數重壓定使熱氣上透不可過熱令病者以臂坐於布上如覺布溫遂旋減之以常得溫熱爲度

治小兒遺尿用雞肫腸一具燒存性豬尿泡一個炙焦爲末每服一錢酒調下男用雞雞者女用雞雞者

治小兒陰囊忽腫多因坐地上爲風濕或虫蟻吹者用蟬蛻半兩水一碗煎湯洗腫處其腫痛立止再溫再洗

又方用小兒卵腫研桃仁唾調傳

治小兒疝氣腫硬用蚯蚓洗去土晒乾爲末唾津和塗患處

又方用古鏡煮汁服亦治小兒驚邪諸惡疾

治小兒腹脹用韭菜根搗汁和豬脂煎服

治小兒不出痘神方

救急良方

兔絲子十二兩搗爲細末如玄參六兩生用
雞爲末用白蠟無妨爲細末

右二味用黑砂糖與兒服之盡一劑後再製服之至十歲以上不出
痘可止也如初生小兒即用此藥每日二三釐製造精製抹乳頭令
吮之凡服後半月之內覺大便有惡物如稠粘濃涕下行即胎毒
逐去也不止絕痘疹之毒亦無雜病

急救良方卷之二終